

四庫全書

史部

欽定四庫全書

史部

浙江通志卷一百七十八

詳校官給事中臣戴璐

檢討臣德生覆勘

總校官編修臣倉聖脉

校對官中書臣吳甸華

謄錄監生臣陸維新

欽定四庫全書

浙江通志卷一百七十八

人物六

文苑一

史稱吳越多秀民山川英淑靈氣代鍾文學固其天性而

聖朝化成立來沉浸醲郁已及百年其間述作斐然往往輝映前古夫載筆之士黼藻羣言所謂以翰墨

為勲績者自范史標目而後未之畧也志文苑

杭州府

三國吳

孫桓

三國吳志本傳字叔武河之子年二十五拜安東中郎將以功封丹徒侯注桓儀容端正器懷

聰明博學強記能論議應對權嘗稱為宗室顏淵

孫瑜

三國吳志本傳堅弟靜子瑜字仲異以恭義校尉始領兵衆建安九年領丹陽太守十一年遷

奮威將軍領郡如故自漂陽徙屯牛渚濟陰人馬普篤學好古瑜厚禮之使將吏子弟數百人就受業遂立學官臨饗講肄是時諸將以軍務為事而瑜好樂墳典雖在戎旅誦聲不絕

孫丞

三國志注桓弟俊俊子慎慎子丞字顯世好古有文章作螢火賦行於世為黃門侍郎與顧榮

俱為侍臣歸命世常使二人記事丞答顧問乃下詔曰自今以後用侍郎皆當如今宗室丞顧榮儔

也吳平赴洛為范陽涿令甚有稱績

晉

孫惠

晉書本傳字德施富陽人口訥好學有才識寓居蕭沛之間東海王越以為記室參軍專掌文

疏預參謀議補司空從事中郎越誅周穆等夜召參軍王廙造表壞數紙不成時惠不在越歎曰孫

中郎在表久就矣越遷太傅以惠為軍諮祭酒每造書檄或驛馬催之應命立成皆有文采

褚陶

晉書本傳字季雅錢唐人弱不好弄清淡間默以墳典自娛年十二作鷗鳥水磴二賦見者奇

欽定四庫全書

卷一百七十八

之陶嘗謂所親曰聖賢備在黃卷中捨此何求吳平召補尚書郎張華見之謂陸機曰君兄弟龍躍雲津顧彥先鳳鳴朝陽謂東南之寶已盡不意復見褚生故知延門之德不孤川嶽之寶不匱遷九真太守轉中尉

南北朝

宋廣之

咸淳臨安志字處深錢唐人善清言初顧歡著三名論以正四本之失尚書劉澄臨川王

常侍宋廣之並立論難與之往復而廣之才理尤精詣

朱异

梁書本傳字彥和錢唐人年七歲外祖顧歡謂此兒非常器既折節從師遍治五經尤明禮易

涉獵文史兼通雜藝博奕書算皆其所長年二十詣都尚書令沈約面試之因戲曰年少何乃不廉

昇未達其旨約曰天下文義恭書鄉一時將去可謂不廉也尋以明山賓薦高祖召見使說孝經周易義甚悅之謂左右曰朱昇實異召直西省俄無太學博士自周捨卒後代掌機謀朝儀國典詔誥勅書並兼掌之每四方表疏當局簿領填委於前昇屬詞落紙覽事下議縱橫敏贍不暫停筆頃刻之間諸事便了所撰禮易講疏及儀注文集百餘篇唐類函梁武帝曰朱昇器宇泓深神表峰峻金山萬丈緣陟難登玉海千尋窺映莫測

杜之偉

陳書本傳字子大錢唐人幼精敏有逸才十五編觀文史及儀禮故事時輩稱其早成僕

射徐勉見其文重其有筆力乃啓補東宮學士與劉陟等鈔撰羣書各為題目所撰富教政道二篇之偉為序尋除太學博士皇太子釋奠於國學時樂府無孔子顏子登歌詞令之偉製其文伶人傳

習以為故事之偉年位甚卑特以強識俊才頗有名當世陳高祖受禪除大中大夫仍勅撰梁史永定三年卒之偉為文不尚浮華而溫雅博瞻所製多遺失存者十七卷

唐

褚亮

唐書本傳字希明錢塘人少警敏一目輒志於心年十八詣僕射徐陵陵與語異之後主召見

使賦詩江總諸詞人在席咸服其工累遷尚書殿中侍郎入隋為東宮學士遷太常博士貞觀中累遷散騎常侍封陽翟縣侯卒年八十八謚曰康初太宗作文學館以亮與杜如晦等十八人並為學士命閭立本圖像使亮為之贊題名字爵里號十八學士當時在選中者天下所嚮慕謂之登瀛洲
子遂
良

凌準

柳宗元凌君權厝志富陽凌君字宗一以孝弟聞於其鄉讀書為文章著後漢春秋二十餘萬

言又著六經解圍又文集未就有謀畧尚氣節年二十以書干丞相以聞試其文日萬言擢為

崇文館校書郎遷侍御史浙東廉使判官召為翰林學士遂為尚書仍以文章侍從以連累出知和

州降連州以沒

孫彊

萬厯杭州府志富春人因顧野王玉篇增字三十卷為大廣益會玉篇大概本說文云

袁不約

成化杭州府志字還朴新城人登長慶三年進士又試平判入等仕至職方員外郎有集

一卷羅隱撰新城築城記有云天下無事吾鄉則有凌準吳降袁不約以文學進

五代

羅隱

十國春秋字昭諫新城人本名橫貌寢陋凡十上不中第遂更今名能詩與族人虬鄴齊稱時

人謂之三羅初寓池州梅根浦因自號江東生從事湖南歷淮潤諸鎮多鉏鋸不合久之歸杭州謁武肅王以所為夏口詩標卷首王覽大加殊遇王初授鎮海節度使令沈崧草謝表成以示隱隱為更其畧朝廷見之曰必羅隱詞也梁既篡唐進武肅王吳越兩國且以諫議大夫召隱隱不行而請舉兵討梁王不能用然心竊義之待隱日隆一日寢疾王親臨撫問因題詩於壁隱為續末二句幕紅紗於上以志恩遇焉累官鹽鐵發運使著作佐郎司勳郎中遷諫議大夫給事中卒年七十七隱為文章多氣力而性傲晚嘗值韋昭範於舟次隱直呼舟子曰是何朝官我脚間夾筆可敵得數輩昭範慚恨卒以此沮之有吳越掌記集三卷江南甲乙集十卷江東後集三卷湘南應用三卷靈壁

子兩同書十篇又有讒書五卷
淮海寓言七卷多散失不傳

宋

錢惟演

兩浙名賢錄字希聖叔之子幼有俊才從倅
歸朝為右屯衛將軍博學能文詞名試學士

院以笏起草立就真宗稱善改太僕少卿獻咸平
聖政錄命直祕閣預修冊府元龜大中祥符八年
擢知制誥翰林學士累遷兵部樞密使除大名軍
節度使知河南如同平章事判許州改鎮崇信卒
謚文僖惟演出於勲貴文章清麗名與楊億劉筠
相上下於書無不讀嘗曰學士備顧問不可不該
博故其家聚書侔於祕府所著有典懿集樞庭推
髮前後集金坡遺事錄飛白書叙錄逢辰錄奉藩
書事諸書
行於世

錢藻

東都事畧字淳老吳越王後順之子也舉說書進士又舉賢良方正為祕書校理三上書請慈

聖光獻太后歸政天子神宗時累擢知制誥直學士院除樞密直學士知開封府遷翰林侍讀學士元豐五年卒藻刻厲為學於書無所不究其見於文詞閎放雋偉常出衆上名動一時為人清謹寡過立朝無矯亢亦無雷同入稱其長者

盛度

東都事畧字公量餘杭人舉進士稍遷至直史館三司戶部判官奉使陝西參質漢唐故地繪

為西域圖漢所置酒泉張掖武威燉煌金城五郡復究尋五郡之東南自秦築長城西起臨洮東至遼碣延袤萬里繪其山川道路區聚壁壘為河西隴右圖以獻擢翰林學士史館修撰嘗請復賢良方正科又請建四科以取士尋授承旨兼端明殿學士翰林侍讀學士景祐二年拜叅知政事尋

罷知蔡州應天府以太子少傅致仕卒謚文肅度
好學家居讀書未嘗釋手真宗嘗命與李宗諤楊
億王曾石中立同編通典文苑英華所著
有愚谷集中書制集銀臺集翰林制集

強至

萬厯杭州府志字幾聖杭州吳山里人少有志
節問學至忘寒暑鄉試為舉首賦出四方皆傳

誦之慶厯六年登進士第素受知於韓琦琦鎮相
魏嘗引至自助琦為詩遍和賓客獨至詩思致逸
發不可追躡琦上奏及他書皆至屬稿琦乞不散
青苗神宗閱其奏曰此必強至之文也琦數薦充
館閣未及用而卒官至祠部員外郎有文集二
十卷曾鞏為之序謂其文簡古不少貶以徇俗

吳欽

成化杭州府志餘杭人登進士重定切韻
進於朝後為史館校勘與邱雍校勘玉篇

元絳

東都事略字厚之錢塘人舉進士擢高等殿試
被黜復舉進士中第為著作佐郎累擢江西轉

欽定四庫全書

卷一百七十八

運使儂智高反嶺南以絳為廣東轉運使建潁江水砦數十以待逋寇繕治十五城樓堞器械皆備軍食有餘以功遷累拜龍圖閣直學士知鄆州召為翰林學士絳無特操然甚工於文詞名流皆推許之拜三司尋參知政事坐子耆寧黜知潁州致仕卒謚章簡有文集四十卷

謝景溫

成化杭州府志字師直景初弟方總角時錢惟演見之曰此兒舉措不凡若非龍駒應是

鳳雛後當作黑頭公矣起縣令通判累除刑部尚書博學洽聞歷事四朝為時吏師與范仲淹歐陽

修王安石相友善

吳天秩

成化杭州府志字平甫杭州人勤苦該洽學者多從之資復恬退不嗜榮利杜門著書粹

茹自適者幾二十年後以郊恩授大庾尉調浮梁到官逾年歿有文集五十卷

沈遼

宋史本傳字睿達錢塘人幼挺拔不羣長而好學尚友傲睨一世讀左氏班固書小篆倣之輒

近似乃鋤植種拾自成一家趣操高爽飄飄然有物外意熙寧初為西院主簿故受知於王安石至當國更張法令遼與之議論寢咈意日益見疎於是罷去久之監杭州軍資庫攝華亭縣他使者適有所憾文致其罪下獄流永州從池州既至池得九華秋浦玩其林泉喜曰使我自擇不過爾爾即築室於齊山之上名曰雲巢悉謝棄少習杜門隱几間作為文雄奇峭麗尤長於歌詩蘇軾曾鞏黃庭堅皆與唱酬相往來然竟不復起

孫逢吉

富陽縣志字彥同博學多文習於典故元祐間撰職官分紀五十卷

周邦彥

宋史本傳字美成錢塘人疎雋少檢而博涉百家之書元豐初游京師獻汴都賦餘萬言

神宗異之命侍臣讀於通英閣自太學諸生一命
為正居五歲不遷益盡力於詞章出知涑水還為
國子主簿指宗召對使誦前賦除祕書省正字歷
知明州順昌府處州卒邦彥好音樂能自度曲製
樂府長短句詞
韻清蔚傳於世

趙鞏

成淳臨安志字子固錢塘人乾道八年進士嘗
秦使金主問皇帝清問下民賦非所作乎數

服其文學從游者甚衆號西林先生慶元
禁偽學鞏以祕閣修撰知揚州入黨籍云

趙汝諧

咸淳臨安志字蹈中汝談之弟以祖蔭補承
務郎韓侂胄逐趙汝愚汝諧上書乞留汝愚

斬侂胄坐是廢斥者十年後登嘉定元年進士第
除太社令累遷湖南漕知溫州卒於郡汝諧自號
嬾菴英恬穎特與汝談稱二趙葉適謂其韓篇杜
筆高出於時晚愛韋蘇州詩其在潭以詩寄適說

者謂如高漸離
擊筑過市云

楊均

海寧縣志咸淳間人工文詞邑令吳由修海昌圖經均實秉筆書成十卷又著先賢錄以表邑

先輩之名蹟雙廟侑
祭樂章亦均所作也

張雯

錢塘縣志字子昭其先浚儀人南渡居錢塘力學嗜書尤精律呂宋亡故宮老校猶有存者從

之問宋遺事咸得其詳所著書曰繼潛錄書畫補遺墨記子田亦工文詞田子肯從宋濂學所為詩文精麗有法尤長於南詞新聲

汪元量

錢塘縣志字大有為詩感慨有氣節嘗以善琴受知紹陵宋亡從三宮北去留燕甚久時

故宮人王清惠張瓊英皆善詩相見輒共涕泣或至文文山銀鑄所作拘幽十操文山倚歌和之元

欽定四庫全書

卷一百七十八

祖開其名召入鼓琴一再行乞為黃冠歸錢塘既
歸往來匡廬彭蠡間莫測其去留之跡自號水雲
子有水雲集自奉使出疆三宮去國所歷故都遺
跡可喜可愕可歌可泣者皆收拾於詩劉辰翁馬
廷鸞目
為詩史

元

周密

萬歷杭州府志字公謹錢塘人宋寶祐間為義
烏令入元不仕自號水潛夫詩極典雅善畫

得意輒自題其上著有武林
舊事齊東野語癸辛雜志

謹按周密本湖州人其稱泗水潛夫者以湖有霅
溪四水交流因以自名也考剡源文鈔云密與杭
州楊大受有連大受和王之諸孫密依之遂
捐其第之西偏以居密故密亦為錢塘人

葉廣居

成化杭州府志字居仲仁和人天資超邁才力絕人為古文詩詞下筆若有神助仕至浙

江儒學副提舉所著有自得齋集

吳復

富陽縣志號雲槎少落拓不羈中年折節讀書晚游湖海間見聞益博善樂府歌詩受業楊維

楨維楨嘗稱其詩如雲歸沙暝白日出水城黃蓋盛唐之選也所著有雲槎集十卷

白珽

宋潯白珽墓誌字廷玉本四明舒少度遺腹子錢塘白磔育以為嗣八歲能賦詩十三為科舉

業有聲場屋間客授藏書之家晝緡夜誦燈墜花穴帽不知也李簡挽起之授太平儒學正轉常州學教授陞浙江等處儒學副提舉秩滿署淮東鹽倉大使遷蘭溪州判官所居西湖有泉自天竺來榜曰湛淵因以自號卒年八十一珽自幼至老無一日廢問學長於詩文戴表元謂其注波五經之

源披條百氏之畹劉辰翁又言其蒼然者不惟
極塵外之趣兼有雲山韶蘊之音皆確論也

仇遠

兩浙名賢錄字仁近自號近村又稱山村西湖
游覽志元初為溧陽州教授工詩文游其門者

若張雨張翥莫維賢皆有名當時
所著有山村集批注唐百家詩選

馮士頤

富陽縣志少個儻博雅能文章
作詩風格清峻與吳復齊名

凌緯

成化杭州府志字景文昌化人篤學能文大德
中以才薦為雪江書院山長尋棄去著唐山紀

事董子雅言壽者錄永室集事偶韻語等
書年九十三卒邑令表之曰康德先生

徐夢吉

於潛縣志好學工文早舉茂才授傳貽書院
山長歷常熟儒學教授詩得家傳有琴餘雅

言行於世晚
號曉山中人

盛明叟

昌化縣志邑南峽川人以文學鳴築蒙齋讀書因以自號工文詞有凍蠅說雪賦蕨薇子

傳為士大夫所稱
仕終甌寧縣丞

盧浩

萬厯杭州府志錢塘人好古博學其為詩如不經心天然超詣流輩罕及

錢惟善

朱葵尊楊維禎傳錢塘錢惟善字思復至正元年省試羅剎江賦時鎖院三千人獨惟善

據枚乘七發辨錢塘江為曲江由是得名號曲江居士官副提舉張士誠據吳遂不仕

吳福孫

黃潛吳福孫墓誌字子善杭州人強學好修未冠用察舉補嘉興路學錄遷寧國學正名

流雅望若戴帥初仇仁近胡汲仲鄧善之莫不折行輩與之均禮趙文敏孟頫以善書聞天下福孫得其楷法兼工篆籀文敏亟稱許之至治二年以教官借授湖州青洋山巡檢攝縣事獲盜之逋誅

欽定四庫全書

卷一百七十八

者八人脫平民被誣於盜者若干人而獲其真盜
至順二年赴選集京師以所作小楷上進因得召
見將用為閣職有沮之者至元元年調常州儒學
教授改澈浦務稅使陞授上海主簿卒福孫明敏
豪邁自儒釋老氏至岐黃紀勝之書無不讀其書
篆施於金石為尤宜奉贊幣求之者無虛日著有
清容軒手鈔樂善齋集古文
韻選若干卷古印史一卷

葉森

萬厯杭州府志字景修錢塘人早從吾衍
遊古文歌詩咸有法則所著有瓦缶鳴集

楊彛

成化杭州府志字彥常錢塘人登進士第官至
翰林學士以古詩文見重於臺閣工篆隸真楷

張伯雨負詞翰名
然自以為不及

莫維賢

萬厯杭州府志字景行錢塘人好學能詩雅
尚標致築別業於靈隱天竺間遠屋栽杏號

曰杏園日與騷人墨客游詠其中列二十
一題時人比之輞川所著有廣莫子稿

梁建中

萬歷杭州府志錢塘人早嗜伊洛之學復有
志於文詞下筆滔滔數百言皆典雅成一家

言金華宗
濂序其文

明

凌雲翰

萬歷杭州府志字彥卿仁和人博通經史工
詞章領至正十九年鄉薦除學正不赴作梅

詞霜天曉角一百首柳詞柳梢青一百首號梅柳
爭春韻調俱美洪武初舉杭州府學訓導陞成都

府學教授所
著有拓軒集

王洪

朱彝尊王洪傳字希範錢塘人八歲能文洪武
十三年中進士除行人遷吏科給事中改翰林

院檢討會修永樂大典充副總裁官歷修撰侍講
尋左遷禮部儀制司主事尚書呂震巡陝西部務
多決於洪帝奇其才詔作佛曲序洪難之為同官
所擠不進用得末疾以卒洪敏於才在翰林時屬
國以方物貢者不絕麒麟白澤騶虞芝草醴泉凡
有歌頌以命洪輒立就與解縉王偁王埏王達號
東南五才子併最自負
獨推重洪不敢與齒

瞿佑

萬厯杭州府志字宗吉錢塘人學博才瞻年十
四鄉人張彥復命賦難詩美甚遂有名洪武中

以薦累遷周府右長史永樂間詩禍作編管保安
久之釋歸復原職內閣辦事年八十七卒所著有
春秋貫珠詩經正葩閱史管
見鼓吹續音存齋詩集行世

平顯

兩浙名賢錄字仲微仁和人博學多聞風流醜
藉詩文皆有典則書法深穩可尚黔國沐公辟

為教讀所著
有松雨齋集

馬洪

列朝詩集傳字浩澗仁和人善詩咏而詞調尤工皓首韋布含吐珠玉褒然若貴介王孫也其

詞有花影集自謂四十餘年僅得百篇又
有和曹堯賓游仙詩百首一時盛傳之

白范

成化杭州府志字以中錢塘人才敏學瞻詩格清奇仕至黃州府同知著有虛室集

桂衡

萬厯杭州府志字孟平仁和人博學能文詩極穠麗每出一篇出人競傳錄洪武中為錢塘學訓

導轉谷府奉祀
所著有紫薇稿

劉儼

明詩綜傳字敬思錢塘人元末隱居西湖明初徵入修禮樂書授廣東市舶司有樗隱集

高得暘

錢塘縣志字孟升洪武間以文學薦厯高州府學教授永樂初召為宗人府經歷纂修大

典為副總裁進講春官博學洽聞詩文純雅名重一時著節菴集姚姚廣孝嘗稱其詩韶蕙迭奏綺組難陳江漢奔流曲折千里而不可遏洵一代之奇作云

胡奎

兩浙名賢錄字虛白海寧人博貫經史尤長於詩以薦為府教授嘗過望湖亭和東坡詩書於

屏間有老人觀之曰六百年來無此作矣君非斗南先生耶言訖忽不見故人稱為斗南先生

朱祚

海寧縣志字永年洪武中有神童之目起家楷書科試事詹事府歷永樂洪熙宣德三朝皆以

詞賦被賞累官翰林修撰尚書少卿有雪崖集行於世

王榮

錢塘縣志字希仁永樂中以乙榜進士歷淮府長史至宣德朝官太僕寺卿致仕榮天才敏捷

為文不屬稿數千言立就有西漢氣骨立朝五十餘年聲實最著

周昉萬厯杭州府志字元亮讀書樂道恒以古人自期詩文典雅作小楷得晉人筆意所述有西庵稿

蘇平蘇正兩浙名賢錄平字秉衡海昌人性穎悟意氣疎傲永樂間以賢良方正薦不就

放情山水間著有雪溪詩集弟正字秉直工詩文與兄越遊名士間時稱吳下十才子而平正兄弟與焉張楷寄詩有云浙詩門徑未荒蕪獨賴芟除有二蘇其推重如此所著有雲壑集

劉泰萬厯杭州府志字士亨錢塘人負奇志特立不羣景泰天順間居武林城中好學篤行肆其餘力於詩精麗奇偉為一時絕唱每一篇出則競相傳誦南北之士來客江左者必得泰一詩以取重鄉里云所著有菊莊晚香雪餘倡和諸集

劉英

傳詳
隱逸

張輿

成化杭州府志字行中弟輅字行素仁和人兄弟皆明經善詩文行中上書闕下授刑曹主事

行素兩領鄉薦終臨淄幕官有聯珠集行於世

董鏞

成化杭州府志字孟聲仁和人永樂初進士入翰林授文學官久之薦知永豐縣有學行詩文

和平類其為人
文集凡三卷

徐伯齡

萬厯杭州府志字延之錢塘人博學強記洞曉音律尤工樂府嘗雜集蕘甌數十枚考其

音之中度者奏曲一章茶頃而協所集有蟬精雋二十卷

莫璠

萬厯杭州府志字仲璵錢塘人居西湖與劉泰為詩酒友讀史三篇慨然慕謝安石文文山謝

疊山之為人意氣橫發音節悲壯有古烈丈夫之風

沈宣

兩浙名賢錄字明德仁和人由歲貢官安慶府學訓導銳意攻古文詞尤長於詩下筆立就多

驚人語晚節好畫山水頗自珍不輕點筆世亦以此珍之

賀榮

成化杭州府志字師桓錢塘人世以醫名至榮博綜經史百家言喜論當世之務妮妮可聽詩

文古澹而存理趣家藏古書畫彝器之屬且善鑒賞經目輒定真贋所著有存齋稿

王獻

萬厯杭州府志字維臣仁和人景泰辛未進士時猶未娶也授編修與修寰宇通志續宗元通

鑑綱目歷陞少詹事兼學士皇太子出閣日侍講讀與修文華大訓成陞太常卿仍兼學士獻美風神善詞令天才逸邁文思警穎在翰林垂二十餘年不得大用而卒人咸惜之謚襄敏

張寧

傳詳
名臣

吳瓚

萬厯杭州府志字器之仁和人弘治庚戌進士授弋陽令調永新知南通州兩月乞休性好吟

咏多撰述考求遺聞作武林紀事八卷卒年九十餘

張文宿

分省人物考字拱辰仁和人賦性奇偉風儀玉立每攻時藝輒歎曰今何不古哉遂獵泰

漢盛唐諸名家書攻古文詞詩賦由是籠罩靡前正德癸酉薦於鄉屢試南宮不第釋褐晉江令遭讒落職就西湖傍築一小樓湖中置一舫與郡中沈青門方十洲輩結為詩社遇良辰輒登樓放舟賦詩作會其詞華沉著不為浮綺為一時取宗

郎瑛

仁和縣志字仁寶生有異質淡於進取督學惜其才欲推輓之卒謝不出家藏書史雜家言甚

盛日危坐諷讀其中攬要咀華判瑕指穎辨同異得失著書凡數種寧藩逆志始萌瑛先以為憂及開陽明在贛喜曰豎子不足平矣事母孝有疾再到股再愈所著有莘忠錄二卷青史衮鉞六十卷

七修類藁
五十五卷

吳鼎

萬厯杭州府志字維新錢塘人正德丁丑進士授臨淮令以辨治稱屬武宗南巡有權貴人先

驅橫索鼎不饜權貴人意遂見憤詒因呼挺挺吳令鼎銳身先吏民當之吏民爭前衛鼎反擎傷權貴人事聞逮繫詔獄嘉靖初得釋復原治所徵為南刑部主事轉兵部以艱歸遂不出鼎伉厲守高魁然負氣既令臨淮以直節顯益務為危言侃侃無矜阿態沉涵六籍旁覽百氏為文宗法西京出入遷固大家自劉向揚雄而下意謂弗屑也與海昌許相鄉友善文亦相伯仲所著有泉亭文集若

卷千

董淞

兩浙名賢錄字子士海寧人故饒於賢而猥視家產喜賑施慕賢達於書無所不窺尤好先秦

西京卑魏晉以下不足學時經藝程文行天下淞居校中一簡不畜也用是試輒絀弘治中以薦應

敷陳王道獻十萬言闕下下禮部試罷歸既歸益放誕為詩大篇短章多奧雅可誦然家日落好施日益甚室人交謫淞終自若至喪明乃已所著有聖學全書真儒叢語紫陽正脉并詩文雜稿若干卷

沈仕

列朝詩集傳字子登自號青門山人杭州人本貴介而野服浪游詩篇雅調遠近齊稱兼能

游藝王道思序其詩云觀其樂府古詞雜咏游適之作至於觀覽京都親制度禮樂之鉅盛擬議應

制形容功德頌美撫華麗而有則蓋仕故少司寇
省菴之子習其家學窺國家之光而講中外政俗
之變非生於窘
窶崛側者比也

楊祐

錢塘縣志字汝承少英敏年十八領鄉薦八年
始成進士改庶吉士明年出知興國屢遭讒忌

時起時蹶歷官湖廣按察司僉事卒於官當是時
北地信陽以古文雄視西土而大江以南則故翰
林江澗叅議吳鼎共祐後先崛起祐為文奔放陵
轅若颺起泉涌其才氣岸偉旁不見曹伍然亦以
此見忌所著有端居興國西曹郵城濟南西江湖
上荆南諸集兩浙名賢錄祐典州佐郡皆以平賦
役興學校訊決無枉既去民歌思之
調湖廣擒劇盜廣招攜善政種種

沈朝宣

仁和縣志字三吾以貢入京師故事貢生不
與直隸秋比朝宣詣登聞院上書乞就京兆

試得報可遂捷京闈貢生得附試自朝宣始是年
嘉靖辛卯也數上春官不第謁選教諭涿州遷江
陵令告歸闢荒園築精舍數楹蒔花藥觴咏流連
客至談邑事間及先賢多湮沒者朝宣慨然網羅
舊典採葺新開成私志若干卷板
燬今世所傳抄殘缺非其舊矣

田汝成

列朝詩集傳字叔禾錢塘人嘉靖丙戌進士
授南刑部主事歷禮部祠祭郎中出為廣東

僉事遷貴州僉事轉廣西右叅議罷歸汝成在儀
制肇舉南郊藉田親蠶西苑省耕課桑諸大典各
有頌述歸里藍桓湖山窮探浙西諸名勝所著書
凡一百六十餘卷而西湖遊覽志炎徽紀聞尤為

時所
稱

茅瓚

杭州府志字邦獻錢塘人少時夢神人授二巨
字文曰見滄因以為號後讀書寶奎寺山巔夜

雷雨大作崖圻數十丈獨所居無恙質明露見滄
二大字適與夢符蓋故鏡宋理宗御書也嘉靖戊
戌一甲第一歷官戶部
左侍郎引歸有見滄集

邵琇

富陽縣志字佩之博綜載籍嘗與錢塘田汝成
輩為文社有聲入南監師事湛甘泉嘉靖辛丑

授四川崇慶州判官謫歸琇在蜀多託吟咏為諸
公所稱至以佳句相呼如張三影云年九十四卒
有曉
峯集

徐桂

兩浙名賢錄字茂吳餘杭人目偏盲而性警敏
讀書一過目輒上口登隆慶辛未進士授袁州

推官堅正不阿失上官指遂投劾歸居杭城東隅
有亭池竹木之勝亭中列圖史金石遺文與彞鼎
諸法書名畫日婆娑其中興至發為詩歌競饗漢
魏六朝間尤長咏物鍛鍊句字無不工著詩文雜

稿數
十卷

田藝衡

列朝詩集傳字子藝汝成子年十歲從其父過采石賦詩云白玉樓成招太白青山相對

憶青蓮寥寥采石江頭月曾照仙人宮錦船性不羈任使多聞好奇世以比之成都楊慎晚歲以貢為新安博士罷歸所著有前後正續集數十卷雜著數十種

朱履

杭州府志字與白仁和人善屬文有聲黌序陳善纂修郡志履與焉數奇不過所交皆當世賢

豪著周易正訛名創記方輿覽勝統宗世譜博雅堂稿又工書丹青篆隸皆可觀

虞淳熙

列朝詩集傳字長孺錢塘人萬厯癸未進士授兵部職方主事時方用兵所條上皆有理

實遷主客員外補稽勲郎黨人力攻之削籍歸凡三十載卒淳熙家貧無書與其弟淳貞字僧孺授

奇獵秘閉門鈔寫方術陰符靡不通曉已而偕隱
南山回峰下採葺行藥以終老焉少見知於李攀
龍王世貞賦才奇譎搜抉奇字僻句務不經人弋
獲以為絕出於時賢頗心折湯顯祖屠隆自詭以
弄元勝之黃汝亨評其詩文曰宏深微眇應念而
作風生雨集排古蕩今斯善譽者矣子宗瑤宗玖
皆有文刻德
園集六十卷

錢士鰲

仁和縣志字季梁弱冠舉於鄉萬厯丙戌成
進士授六安州知州徙刑部員外郎調知福

寧州卒於官性孝友少受易於仲兄夢鰲稟約束
惟謹不命之坐不敢坐至成立猶然屢空晏如不
問家人生產山水之間得趣輒往發為詩文自抒
胸臆生平最嗜太史公老蘇之文所著述甚富有
槍榆集薄游藻童子
問釋擔志等書行世

黃汝亨

仁和縣志字貞父腦後稜稜有奇骨目如曙星萬厯戊戌進士授進賢知縣邑多浮賦汝

亨上書臺司立爭之寬其征催又為建倉水次民不病輸輓暇則與諸生論文搜別名勝復竹林舊址尋戴叔倫栖隱處築栖賢院為壇自署壇石山長奏最以忌者左遷久之起南工部主事陞禮部郎中視學江西力持風格竿郵屏絕嘗以片言定諸王孫之變無敢譁者進叅議備兵湖西踰年謝病歸結廬南屏題曰密林以著作自娛持練素碑版請者望於道每避客六橋之陰輕舟軟輿踪跡繼至則啓牕一笑酒茗交行揮翰如飛人有得其片札者時以為榮焉

聞啓祥

錢塘縣志字子將博綜羣書武林東南都會江廣閩越之士登賢書者公車到武林必質

義於啓祥品題甲乙命黎棗曰行卷制義之有行卷自啓祥始萬厯壬子舉於南雍嘗與吳郡李流

芳偕計吏入京師已至國門忽意不自得徑趨車
返後屢以薦被徵悉辭不赴性好延納每庀舟車
飭厨傳宴會客若置驛
然所著有自娛齋稿

卓明卿

兩浙名賢錄字微甫仁和人眉目如畫始薄
章句竊與豪子弟學騎射劍術已乃折節閉

門博綜百氏所交傾海內豪傑苟失一名下士即
恥之士或不為明卿知亦轉相輕誚好稱詩初為
國子生賦桃溪書屋詩詩聲滿留都謁選銓光祿
稱詩長安正中父艱服闋補珍馐署正著有卓氏
藻林唐詩類編文集
續集北游稿行於世

何春畿

富陽縣志字汝萃年十四為巡按王本固所
知取冠浙士後屢舉不第萬歷中以選貢授

江西臨江府通判陞雲南新化知府詩文清綺婉
麗所著四寄編草介集壯遊集鴻鳴集各若干卷

吳之鯨

錢塘縣志字伯喬文才俊爽高自標置與吳大山稱江臯二俊詩文甚富萬厯中舉於鄉

數上春官不第謁選得浮梁令甫六月卒有武林梵志十卷閨閣詩一卷

卓爾康

靜志居詩話字去病仁和人萬厯壬子舉人有修靜堂集爾康匡濟之才著書等身詩特

其一
斑爾

吳梯

富陽縣志字仲升讀書為文章務自立堂奧恥為駢偶靡麗之習詩亦瞻雅多丰骨不作近體

自號狂生獨與仁和胡廷試一見如舊廷試氣豪邁見梯不覺自折仁和令劉洪謨開而延致之會同遊湖山言及田汝成志西湖獨不及作賦梯請授楮筆據案疾書立成三賦一坐傾倒所著東南

生四部
稿八卷

周羔

富陽縣志字南甫學務博瞻熟於經傳左國鎔鑄成文萬歷癸卯舉人連上春官不第益肆力

於古文詞授天長知縣遷延慶州知州告歸所著幸笑館文集石梁草一集二集類篇各若干卷

胡允嘉

仁和縣志字休復沉邃讀書務探其奧每作文鏤心鉢腎如穿高雲下蒼鵲挽勁弩射怒

潮萬歷丙午舉於鄉癸丑成進士選入史館未及期而卒吉陽李邦華曰休復詩似陶韋序逼漢魏間雜柳蘇其切中事理經濟劃然又似晁賈頗得其實云

嚴調御

餘杭縣志字印持太常卿大紀之子生九歲而孤事嫡母高惟謹撫異母弟武順教薰然

以和視弟母李如己母長身疎髯風神肅穆好讀書博綜今古交游徧天下而最所矜契者則聞子將楊肇開二人肇開死子人騏幼調御以其子妻之子將疾革時值調御六十初度輟賀者而往哭

為經紀其喪生平多技能凡絲竹管弦以及岐黃
計算之學靡不通曉晚悉屏絕惟醫與書法不廢
曰藥可以利人書吾藉以攝心也自弱冠補弟子
餼廩三十年名聞海內而困於場屋其事業不克
顯人多惜之

嚴敕

兩兄抗縣志字無敕武順同母弟幼失怙恃師事

目是時文尚雕琢敕獨為淳古澹泊之音性孝友
伯兄之亡也敕效仲作百憶吟而哀思過之年七
十憶兩兄先逝合繪三逸圖以志思慕蓋一飲食
不忘也晚歲才力愈健詩卷盈篋易簣時猶著枕

上詩傳
誦於世

卓人月

靜志居詩話字珂月仁和貢生有慈淵集人
月才情橫溢所撰續千文穩帖而奇肆詩亦

不為格
律所拘

何莘

錢塘縣志字翰亦少孤力學崇禎己卯以貢入南雍吳太沖時為少司成移書吏部曰莘武庫

甲兵今朝廷急士當及鋒用之會為忌者所沮免歸設館鳳山之麓武林從游者曰何氏學所著有古今治平畧補廿一史彙纂類法篇諸書

吳本泰

海寧縣志字梅里崇禎甲戌進士時年六十矣深於經術凡官方兵制國計邊防屯田

河渠一切利弊無不畢究平臺召見條對稱旨超擢吏部郎中累遷尚寶司丞詩文詞賦時人目為淵海有論語頌使星堂纂西溪梵隱志行世

王之獻

富陽縣志字伯珍家藏書卷甚富喜讀古史好詩賦頗厭舉子業入南雍見以太學仕郡

縣倅者類掣時遂不就選退而益著書有吸月軒詩草花木韻譜雜著重修富陽志唐詩合錦古今

女音詩餘樂

府鵬啼錄

徐之瑞

靜志居詩話字蘭生臨安人崇禎丙子舉人有橫秋堂稿之瑞藝精文選其五言古致紛

披近體效韓冬
郎尤極綺麗

張次仲

舊浙江通志字元屹海寧人舉天啓辛酉鄉試窮經好道自表其讀書之虛曰待軒性至

孝童時母病剗股以進及長父為鹽賈所訟幾陷大罪百計脫之族指數千籍竈時以通課坐繫為

設法更置公田百七十畝歲輸族課銀百兩公私賴之晚而喜易著困學記三十餘萬言無述詩記春

秋分紀及史傳六十餘萬言傳於世

嚴渡

有舊浙江通志字子岸餘杭人調御子方就外傳

師其意何為師其詞聞者異之弱冠歸於庠未幾選入南雍名譽籍甚海內俊彥悉歸之年四十以

明經終

沈瑞徵

靜志居詩話字靈繹海寧學生有慧居遺集其詩高者近大厯十子下亦不失為四皇甫

也年未四十而歿

朱一是

舊浙江通志字近修海寧人崇禎壬午舉人天才清拔敏悟過人無常師然亦不肯竟學

嘗自言曰他人之學多得於書余獨得於友以述作自娛年六十二卒有史論十卷為可堂集續集

百卷行世

朱朝瑛

黃宗義朱朝瑛墓志字美之海寧人崇禎庚辰進士知旌德縣以外艱歸遂不復仕博稽

六藝各有論著以為諸儒言易詳於所變而不詳於所未變變者象也未嘗變者太極也其言小序觀亡詩六篇僅存首句則首句作於未亡之前其下作於既亡之後明矣子由獨取初詞頗為得之辨古文尚書之非偽謂伏生之書如堯典皋陶洪範無逸何嘗不文從字順也謂春秋闕文錯簡不特郭公夏五觀於日食之先時後時可知矣其折衷諸家如此所著墨菴雜誌金陵遊草行世五經畧記文集藏於家

顧懋樊

舊浙江通志字霖調仁和人淹通書史以副車克貢舉賢良方正著五經積明年八十卒

國朝

胡文蔚

舊浙江通志字豹生仁和人性嗜學雖嚴寒溽暑不輟明崇禎九年舉於鄉善詩古文詞

足跡遍天下遇山川名勝輒為題咏順治間授高州府推官尋去職歸至南雄卒所著有浮漚集十

三卷約菴詩選十卷文集十卷

談遷

靜志居詩話字仲木一字觀若海寧人留心史學考証累朝典籍博稽諸家撰述中年燬於火

乃復沈思強記覆閱羣書訊故老墨枯筆禿晚歲成編云

陳祚明

舊浙江通志字引倩錢塘人潛夫弟博學善屬文以貧遊京師有乞文者口占授之語率

奇麗填門迫促至廢寢食祚明長髯如戟雙眉如巖下電所著稽畱山人詩二十卷詞一卷古文尤富

陳之問

黃宗義陳之問傳字令升號簡齋海寧人陳氏科名冠兩浙而之問獨不以華臚為念好

讀書自六經三史以下八家之集唐宋之詩丹鉛殆偏高會廣坐有所徵引長篇累牘應口吟誦以架上書覆之不錯一字於書畫古奇器賞鑒精絕而青鳥素問龜卜雜述皆能言其理嘗從學於戴山漳海兩先生顧未嘗講學與人言者不出詩書於詩文亦不多作當霜天寒夜漏已半往往於卧榻中開其鏗然放筆以為常力學寒士中所未見也

嚴津

舊浙江通志字子問餘杭人救之子嚴氏為文章淵藪海內翕然稱之津又繼起領袖時賢應

拔貢中丞霍達表為督漕推官不就事親至孝家中落而甘旨不缺顏所居曰陶菴日哦詩數十章以明意

陸圻

靜志居詩話字麗京又字景宣錢塘貢生明崇禎間文章宗匠咸尊婁江張溥溥卒圻束芻絮

酒往會葬賦五言長律一時傳鈔以為傑作後賣藥長安市其詩文采組六朝醫方酒令觸口悉成

儷語晚訪澹公於丹霞精舍轉入武當不知所終抗西泠十子詩圻居首有從同集旃鳳堂集

范驤

為文尚經術放黜百家人方之廣川董子書法

鍾王同鄉先正吳本泰一見稱異悉以書籍與之環堵蕭然日以經籍自娛所著有十三經評註百

卷古韻通補十卷愛日堂文集二十卷

徐元倬

舊浙江通志字為章海寧人童時負雋才詣舅氏張青來所時高會大幔亭上張指亭為

題曰汝方業文選能對客賦之否倬援筆數千言舉座嗟賞張摘其中賓餞日月吐納烟霞二語榜

其極十六餽郡庠為人嚴氣正性不妄與時流接
鍵戶讀書以尊遺經砥俗學為己任著有整存集
三十卷湛華樓詩集三十卷
十卷山園別集四十卷

吳名溢

錢塘縣志字我匏錢塘諸生明季文體詭變
尚諸子百家仙釋語錄聲牙詰屈之文名溢

乃沈酣六經蔚以實義作麟經詮解考三傳互異
折衷諸家為春秋詳註兩喪皆廬墓著喪禮注晚
年構藥園於城東與嚴沆查繼佐柴紹炳祁豸佳
吳山濤輩觴咏其中有藥園盍簪集沆嘗語人云
林巒標置當推是
公非晚近人物也

毛先舒

錢塘縣志字稚黃錢塘人既而更名騏字馳
黃六歲能辨四聲八歲能詩著白榆堂詩與

陸圻張綱孫諸人倡和稱西泠十子山陰劉宗周
講學戴山遂往執贄問性命之學事父母色養遇

有疾告廟請代於從父昆弟及族里皆厚遇之作
詩一以大雅為主文不一格至辨析往復必本經
術嘗輯宋儒語有裨實行者題曰鍼心慎鈔用以
自砥生平好談韻學著韻學指歸又撰唐韻四聲
表及詞韻南曲韻諸書他所著有思古堂集毛馳
黃集小匡文鈔東苑文鈔詩鈔蕊雲集晚唱詩辨
城皆行世

吳山濤

錢塘縣志字岱觀領崇禎己卯鄉薦授陝西
成縣令三年致仕終老吳山嘯歌自得書法

飄逸能自成家畫不入蹊徑揮毫自如當出闕
日賦西塞詩三十篇因自號塞翁年八十七卒

沈謙

仁和縣志字去矜少穎慧能辨四聲長益篤學
好為詩古文弱不勝衣與人語氣才屬及發辨

議則電閃霆擊摧屈一坐為文雅淡秀蔚錯以綺
麗所著有東江集鈔詞韻詞譜古今詞選臨平記

凡若
干卷

陸嘉叔

靜志居詩話字永修海寧人有辛齋遺稿
崇情遠跡高酣長謠文采風流溢於賓座

章士斐

蕩浙江通志字洪上錢塘人九歲而孤繼母
高撫之感奮自勵遂為諸生祭酒文法昌黎

晚乃學史遷詩兼昌谷東野之長歲擁臯比得脩
脯盡以奉母巡按王元曦察舉孝行貢京師病沒
沒之日口不能言以手指母奄然而逝所著
有花隱亭文集五十卷詩集三十卷藏於家

陸堦

錢塘縣志字梯霞父運昌與叔鳴時鳴燦有名
當世號龍門三陸而堦兄圻及培並以文章領

袖一時復號三陸奉母隱於河渚之駱家莊以佃
以漁間受雞林估人請選制舉文行世取所酬金
為菽水資晚居里開授生徒四方從遊者如歸市
兩浙開府張鵬翔葺書院於萬松嶺集通省士子

讀書其中奉塔為十一郡師所著有白鳳樓集十卷子三人豐兆爵正夫皆能世其學而豐尤著

李式玉

舊浙江通志字東洪錢塘人孤萬落拓不以世務經意家近清波門往往禿巾野服入深

山高歌聲振林木為人篤孝義急友難至性所激沛然莫遏平生著書數十種今傳者魚川集二集

巴餘集南肅堂詩稿武林雜事春城樂府

張右民

錢塘縣志字用霖為葛寅亮高弟明季與龍門諸子創為登樓文選風行海內講學授徒

負笈無遠近毛先舒以古文名家亦出其門康熙癸亥聘修浙江通志及郡邑志年八十三卒有東

臬集史論史畧竹牕語錄凡若干卷

徐汾

舊浙江通志字武令仁和人少善屬文作娛賓寶刀賦驚其座人著有京山文苑經史微萬卷

樓集
行世

張芬

錢塘縣志字子漸博綜典故有質疑者應之如數家珍與江浩虞宗瑤鄭鉉輩初為讀書社其

法約數人共讀一書數日務了一義盈科後進最
有條貫晚愛西溪衡山之勝時握一卷吟哦其中
立石拒門編荊為戶危冠大帶不入城市兵後盡
亡其書老年默記從空指點甲乙雖貧且病亦不
廢也

陳廷會

孫治

杭州府志陳字際叔孫字宇台俱錢塘人廷會教授里中治時時出遊四

方采所聞見為詩賦兩人所著書俱高華有典則
陸行人培殉難以妻子屬廷會廷會遂教其子繁
昭於河渚陸茂才彥龍死有一女治為擇吳檢討
任臣壻之兩人篤朋友急患難稱遺民高士者咸

以為首

朱里

杭州府志字商角號青萊錢塘人邃於史學自西漢太初元迄南宋祥興二年計一千三百

八十三
年凡一千五百九十九人各為論斷名青萊續史一十八卷書成而盲人以為符左氏云

丁澎

吳農祥丁飛濤傳字飛濤號葑園仁和人順治乙未進士累官禮部祠祭司郎中典河南鄉試

罷歸不問戶外事而自娛於文工為詩頗挫清壯有沈鬱之思康熙癸亥葑浙江通志實董其事云

行世有葑園集

顧豹文

錢塘縣志字季蔚號且菴少以才稱讀書繼言能記他生之所習中順治乙未進士除真

陽知縣招流亡立鹽肆建學宮為黃叔度祠設文會以殿最諸生行取擢臺班巡視東城尋出按湖

北察川蜀諸賊竄伏要領所在嚴營堡偏其巢并
疏捐漢安荆襄等州縣逋糧以及無征額課安陸
有蘆汭口隄塍久圯潛汚被其災督所屬刻期竣
役湖堤屹然建義倉一百四十餘所遭內外艱歸
里時年四十九引病不出得城北葛氏廢園乃芟
薙荒穢建小樓與二三老友商畧經史名曰願圃
追白蘇之遺風舉洛社
之故事卒年七十有五

楊鼎

錢塘縣志字靖調順治乙未進士授大名府推
官甫期月擢戶科給事中

聖祖登極

以鼎充頒詔官時西川初闢撥秦兵鎮守并徙
家屬實其地秦兵甚難之鼎至寧夏上言古有踐

詔從之更番休之制迭相轉調於法為便
之改吏科內陞鴻臚卿轉通政使母老以終養請

旋疏陳衰老自是杜門却掃以著述自娛巡撫張
鵬翮嘗詣其居見門巷蕭然僅一小童支戶雖致

身通顯猶不改儒生之素康熙
癸亥董葺浙江通志卒年八十

沈珩

許汝霖沈珩傳字昭子海寧人康熙甲辰會試
第一未釋褐而歸凡十五年不仕至戊午以博

學宏詞薦試入格授翰林院編修充纂修明史官
辛酉副順天主考亡何乞假歸珩淡於榮利愛素
好古手不倖披嘗輯一書曰十三經名文鈔凡所
屬綴菑畬經訓無一切游談不根語有耿巖集若

干卷
行世

邵遠平

公舉事實字戒山仁和人康熙甲辰進士選
庶吉士改戶部主事子順天同考官除江

西提學葺白鹿書院大興文教擢光祿寺少卿會
舉博學宏詞遠平試入等仍授翰林侍讀與修明
史辛酉典試廣東轉庶子充日講官歷遷詹事府
少詹事兼侍講學士與修一統志致仕歸初遠平

欽定四庫全書

卷一百七十八

高祖經邦當明世宗朝以議禮廷杖謫戍於戍所
著弘道弘簡弘藝三錄遠平歸田後息影湖莊杜
門謝客著續弘簡錄四十三卷
子錫章錫光同中丙戌進士

吳任臣

袁佑吳志伊傳字志伊仁和人為諸生試輒
冠其曹其文流傳人口然非其好也耽書玩

古多所論著嘗撰一書補梅氏字彙之缺廣郭景
純山海經注又刺取唐季諸霸國事為十國春秋
凡若干卷康熙戊午舉博學宏詞授
翰林院檢討充纂修明史官未幾卒

沈筠

公舉事實字開平仁和人為雋才嗜學敦內行
嘗割股肉和藥以療父父病頓瘳既而母病亦

如之有女弟適周早寡歲時存恤數十年無倦容
為文唾地立成而選簡清綺諸子百家咸集腕下
其詩容與閒易以陶徵士為宗然未嘗以摹仿傷
格也康熙己未成進士改庶常會有以博學宏詞

薦者試入高等授翰林院編修
未久卒所著有斗虹集八卷

吳農祥

錢塘縣志字慶伯宮允太沖長子少異敏一覽成誦家有賜書鍵戶伏讀茹經涵史馳騁

百家康熙戊午以博學宏詞薦歸而著書自娛詩不下萬餘首為文條貫五經尤精於易與蕭山毛奇齡友善然質疑送難不肯苟同所著有蕭臺集二百四十卷梧園雜志二十卷流鈎集四十卷詩餘二十四卷

許汝霖

公舉事實號時庵海寧人天性孝友中康熙壬戌進士選庶常歷贊善督江南學政釐正

文體程飭士風所取試卷膾炙人口公明之聲徹於遠近陞工部侍郎歷戶禮兩部侍郎晉禮部尚書

子告歸汝霖讀書根柢六經旁及子史故發為文章詞

欽定四庫全書

卷一百七十八

醇理正未第時四方生徒負笈從遊及典試四川督學江左癸未科為會試總裁銜鑑不爽銖黍在江南考試事竣輒置酒金山大會諸生布席分題或詩或賦各展所長至今傳為盛事所著有德星堂文集十二卷詩集五卷行世

陳論

鄉賢留祀冊字謝浮海寧人順治辛丑進士甲辰選翰林歷講讀學士副都御史晉刑部侍郎

文學侍從三十餘年遷風紀之任風度端凝主試中州所拔皆寒畯揭曉日雖下第者無不心折子世儀令海澄築海塘修輿梁置文廟祭器建高樓以鎮水口皆捐俸為之為令十年著有聲譽

陸垚

應搗諫陸垚傳字左城錢塘人運昌子為文沉博絕麗類諸兄餽於庠是時文社颺舉垚繼起

為諸生祭酒所至傾座人賣文為活積歲時所得束脩手構一椽以庇燥濕以兄紫矐之散徙也復

推與共之友張步青死遺孤無所倚為飲食之教
之成立所梓丹鳳堂集漢魏齊梁如金在治別有
稿數十卷名經世驪珠蓋三通之支與流裔也年
甫四十四而卒人惜之子冠以拔貢舉庚午京兆
試

汪煜

公舉事實字寓昭父賡順治辛丑進士煜少好
武挽強控馬膽力過人後折節讀書披擿無虛

日行文元傲自成一家言尤工詩閒淡古雅康熙
乙丑成進士授貴州鎮遠縣縣故古大田溪峒多
苗民難治煜馭之有方戍寅擢吏科給事中掌登
聞鼓院在職未久前後疏凡六上號稱敢言煜初
席豐饒以銳學不問生產家遂中落及官黃門無
儋石儲卒之日同官助殯焉所著有同岑草願學
堂集南歸北征錄
及平齋偶存諸稿

陸繁弨

徐林鴻陸繁弨傳字拒石行人培子培殉節死橫山繁弨甫十歲母陳命從陳廷會學讀

書山中編摩經史發為詩文尤工四六有善卷堂集行世單行側注脫去排比之迹與陳維崧方駕云

查嗣韓

陳廷敬查嗣韓傳字荊州海寧人家赤貧過時而學初不知有司尺度其族叔繼佐獨歎

為未易才補錢塘諸生旋入監肄業十三年不折家信埋頭誦習夜分欲睡輒舉火灼兩臂至無完膚康熙丁卯以五經應順天鄉試監試御史斥其違式既又奇其才以嗣韓及福建舉人林文英各二十三藝並皆奏

聞奉

旨召試殿陞問未踰時得文三首上大喜命一體會試未揭榜而兩人已脫藍誠異數也

制科之式士占一經無有無他生所習者自明代二百七十年間獨顏茂猷譚貞良以五經進士稱副韓突起間道循是似倣者科有數人遂著為令五經中額實自副韓發之戊辰捷南宮

廷試

一甲第二授編修辛未充會試同考官主順天武鄉試未改官而卒

湯右曾

公舉事實字西厓仁和人幼穎異讀書十行並下及長博極載籍入太學有聲中康熙戊

辰進士選庶吉士授編修入直

南書房丙子典試貴州改刑科給事中掌戶科印疏

論銷燬制錢利病及請賑濟禁包攬陳積貯本計

釐邊儲夙弊奏上輒報可癸未副武會試總裁會

直省學政報滿

召試擢第一督學河南未之任復分校丙戌會試至豫

杜苞直絕請托課士以朱子分年治經法士風振起巡撫汪顯疏薦公明第一內擢奉天府府丞轉

右通政歷光祿太常卿陞通政使奉
差審廣東楊津叩關案並察審巨盜馮唐生六案復

命條奏海疆諸事宜悉見施行壬辰教習庶吉士尋授
翰林院掌院學士兼禮部侍郎進

經筵講官奉
命賦文官果詩蒙

御製一首俯同右曾韻有

茸香葉密待詩公之句舉朝傳誦以為儒臣之至榮

旨授吏部右侍郎仍兼掌院學士教習庶吉士居銓衡
凡翰林代言之作皆其撰擬每奏輒稱

上命解部務專理院事病轉劇
九載盡職勤瘁遂得路血症

特遣御醫二員就第診視竟不起右曾詩高超名貴不
落一語凡近在黔有使黔草在豫有嵩洛吟在奉

天有遼海集並行於世晚年益歸蒼老語輒
驚人工行楷書尺牘華瞻流麗人爭寶之

查昇

徐倬查昇傳字仲韋一字聲山海寧人康熙戊辰進士選庶吉士授編修己卯江西主考尋直

內廷分纂諸書搜葺校讐恒至夜分不寐凡有御製

御書必

命昇觀覽而昇所進書詩一一稱

旨歷諭德侍讀庶子晉少詹兼侍講學士

寵錫稠疊昇負詩文盛名尤工書法片楮隻字人爭寶貴所著有姓氏譜靜學齋詩稿尺牘偶存前扈從詩

南巡五瑞詩塞北

紀恩賦行世

沈佳

錢塘縣志字昭嗣見時即有志伊洛之學及長著名儒言行錄大全粹語春秋學晚著易大象

玩易解明代人物考樂府中聲蒼野集省譽錄多研窮性命之書所居名學士園自少壯以至通籍

及歸養未嘗輟書卷登康熙戊辰進士初知監利縣補安化卒於官

龔翔麟

沈名蓀龔翔麟傳字天石更字蘅圃光祿寺卿佳育子以副榜補兵部主事督京倉權粵

關海稅改監察御史巡視西城察錢局歷掌浙江山西陝西諸道既而罷歸翔麟當官有幹實居臺

中號敢言不避權貴而尤以文學名所著田居詩稿十二卷出入六季三唐而要其宿於眉山蘇氏

詞以石帚為宗傍及於梅溪玉田蛺蝶諸家之體自少即與秀水朱彝尊李良年李符平湖沈日皞

沈覃九齊稱號曰浙西六家所著紅藕莊詞六卷別有珠海奉使記一卷皆刻以行世

查慎行

許汝霖敬業堂集序字悔餘號初白世居表化康熙癸酉舉順天鄉試以大學士李光地

薦

名對八直

南書房癸未成進士選庶吉士授編修供奉七年以疾告歸性穎異五歲能詩十歲作武侯論同邑范驥稱為曠世才既長遊黃宗羲之門所學益進最深於經諸經中於易尤邃作玩詞集解一書又著經史正譌人海紀陪獵筆記黔中風土紀廬山紀遊諸書極好蘇軾詩編年補注砭砭者三十年自哀其所為詩合他山詩鈔總為敬業堂集共一百五十卷

翁嵩年

張廷玉翁嵩年墓誌字康飴號蘿軒仁和人生而穎異年十三即通六經大義長於百家

之言靡不探測而尤精於左氏以文章名東南康熙戊辰成進士授戶部主事歷刑部郎中督學廣東矢心慎恪務得真才先是學使者以瓊州在海外檄生童附雷州考試嵩年曰吾豈以一人易千萬人命乎出入忠信何畏焉竟渡海後著為令甲事竣歸里有別業在西湖退休其中以詩酒自娛

壽八十二終所著有天香書
屋稿白雲山房集友石居集

顧悅履

公舉事實字丹宸海寧人康熙甲戌進士第
三授翰林院編修累官內閣學士兼禮部侍

郎丁酉出理清河既竣事明年病卒悅履工臨池
館選後

名寫

御製詩文二集橐筆者凡七年充子史精華佩文
韻府總裁官將脫稿以憂去適其子五達選庶吉

士因奏請使踵其事得
旨俞允一時榮之

陳奕禧

山西名宦冊字子文海寧人以貢生任安邑
縣丞攝臨晉篆著有循聲負詩文名工書法

尺幅片楮皆摹勒為帖行於世山西通志號香泉
由戶部郎出知石阡府補南安所至人皆乞其書

爭相寶貴常做文選體集歷
代詩文為文海序而行之

徐林鴻

錢塘縣志字大文一字寶名錢塘學生工辭翰上擬左氏下類兩晉康熙戊午

詔舉博學宏詞

以林鴻薦既而歸掃一室讀書其中作為詩歌清新典雅麗所著有兩間草堂詩文集四十

卷尤篤友誼漢陽王世顯南昌王猷定客死於杭太倉王吳四明周容卒京師皆為經理其喪復收

遺稿付其孤人高其誼

吳允嘉

公舉事實字志上又字石倉錢塘人性孝友雅好吟咏為文原本六經旁通史漢而章法

頓挫刻意規撫蘇歐於經世之學尤所殫心生平愛藏書丹鉛點勘晨書暝寫凡山經地志墓碣家

乘下逮百家小說叢殘之書蒐討不遺餘力晚年嗜好尤篤精力盡瘁有四古堂文鈔既山詩集石

倉存稿石倉賤奏東堂雜錄藏於家其他輯錄尤夥如武林耆舊傳武林文獻志錢塘志補皆足備

藝林掌
故焉

浙江通志卷一百七十八

欽定四庫全書

浙江通志卷一百七十九

人物 六

文苑 二

嘉興府

漢

嚴忌

漢書鄒陽傳陽與吳嚴忌等俱仕吳皆以文辨著名嘉靖浙江通志忌本姓莊避明帝諱稱嚴

由孝人與司馬相如俱好詞賦哀屈原受性忠貞而遭暗世乃作詞歎而述之曰哀時命遭景帝不

好詞賦無所得志聞梁孝王右文通賓客乃徒步入梁受知孝王與鄒陽枚乘俱見尊重而忌名尤

盛世稱

莊夫子

嚴助

漢書本傳會稽吳人嚴夫子子也或言族家子舉賢良對策百餘人武帝善助對獨擢為中大

夫是時朝廷多事上令助等與大臣辨論中外相應以義理之文大臣數詘其尤親幸者東方朔枚臯嚴助等而助最先進拜會稽太守奉三年計最詔留侍中有奇異輒使為文及作賦頌數十篇

晉

干寶

晉書本傳字令升少勤學博覽書記召為著作郎中興草創中書監王導上議請備史官勅寶

等漸就撰集於是寶始領國史歷選散騎常侍著晉紀自宣帝迄於愍帝五十三卷其書直而能婉

咸稱良史性好陰陽術數留思京房夏侯勝等傳
嘗撰集古今神祇靈異人物變化名搜神記以示
劉惔惔曰可謂鬼之董狐又為春秋左氏義外
傳注周易周官凡數十篇及雜文集皆行於世
謹按海鹽縣圖經引徐泰志云晉史實新蔡人而
一統志云實自新蔡徙嘉興父瑩葬海鹽五行記
載實為海鹽人則南渡徙居實
自瑩始實固海鹽人無疑也

唐

顧況

海鹽縣圖經字逋翁家縣南五十里之橫山劉
長卿攝縣有過橫山顧山人詩皇甫湜顧況集

序翁輕清以為性結冷汰以為質煦鮮榮以為詞
偏於逸歌長句駿發踔厲往往若穿天心出月脇
意外驚人語非尋常所能及最為快也以文入仕
其為人類其詞章從韓晉公於江南為判官入佐

著作不能慕順為衆排為江南郡丞累歲脫縻無復北意起屋於茅山意飄然將續古三仙以壽卒

顧非熊

海鹽縣國經況之子一覽成誦好辨說氣馥陵轍為衆所抑久不第然名在朝野長慶中

陳商改榜復下第穆宗怪無非熊名詔有司逮所試卷覽之稱旨追榜勅賜及第累佐使府大中間

歷官亦隱茅山

陸扆

唐書本傳字祥文贊族孫光啟二年擢進士第累遷翰林學士中書舍人扆工屬詞敏速若注

射然一時書命同僚自以為不及昭宗嘗作賦詔左右皆和扆最先就帝覽之歎曰貞元時陸贄吳通元兄弟善內廷文書後無繼者今朕得之累為尚書左丞徙戶部侍郎同中書門下平章事從遷洛柳璩附朱全忠謀去衣冠有望者殺之白馬驛

宋

謝炎

宋史本傳字化南嘉興人慕韓柳為文與盧楨齊名時謂之盧謝楨吳懦炎勁急反相厚善端

拱初舉進士知華容公
安二縣卒集二十卷

聞人宏

正德嘉善縣志字君度宋大觀三年進士授通州司法陳瓘貶台州宏從之遊識者美其

高誼後改知宣城轉通判常州卒有中興要覽周官通解經史旁聞并文集十六卷

魯嘗

海鹽縣圖經字季欽同弟魯舉紹興五年進士官大府卿言支移折變事甚悉利弊詔可其奏

嘗於詩喜杜工部嘗取其集考其年編次而箋釋之為十八卷世所傳冷齋杜詩定本是也

趙孟堅

嘉興府圖記字子固海鹽人系出安定郡王初以父蔭入仕後登進士第歷官集英殿修

金
撰知嚴州嚴人張均平報父仇坐死獄不決孟堅
立辨之遭翰林學士承旨孟堅修雅博識善筆札
工詩文多藏三代以來金石名跡又善作梅花水仙
蘭竹於山水尤奇襟度蕭爽時比之米南宮年
九十七卒諡文簡弟
孟淳能墨竹亦有稱

李如麓

正德崇德縣志字季牖居語兒東鄉少游上
庠與諸倫魁皆友善所學益博聞益多天文

地理禮樂兵機之學靡不該通有東園
叢說樂書行於世晚以特科官桐鄉丞

莫蒙

嘉興府圖記字養正崇德人以文鳴太學京師
指為東南之秀用特科拜官晚益游情翰墨詩

詞清婉有卧
馳集十卷

莫光朝

正德崇德縣志字謙仲幼雋爽不凡長益刻
厲至忘昏旦寒暑博覽強記屬文頃刻數百

言尤邃於易不拘傳注反覆論究超出衆見登淳熙進士第益閉戶讀書以充其學好為詩句法清麗得意處不在唐人下改秩知江寧以撫字稱

元

張伯淳

嘉興府圖記字師道崇德人九歲舉童子科登咸淳進士擢太學錄至元中被薦入見世

祖問冗官風憲鹽筴楮帛皆當時大議對悉稱旨授翰林院直學士詔命皆出其手同修國史拜侍諄學士卒有養蒙文集行於世虞集為序

孫固

兩浙名賢錄字以貞嘉興人性恬淡好讀書辟署華亭縣學事與楊維禎陶宗儀詩筒往來著有

聽雪
齋稿

俞鎮

正德崇德縣志字伯貞早承父天民訓誨朱輔之學長受業於鄧文原通五經尤精於易為文

一本經義延祐丁巳領鄉薦第一由教授歷典湖廣江西江浙文衡官至建德路知事以文學顯於

世得其指授悉為聞人扁齋居曰學易門人稱為學易先生有修詞稿二十卷行世

衛培

嘉興縣志字寧深涇之曾孫也性端恪通經明於典故延祐七年充貢龍虎榜賦文不起草人

謂有楊馬才號月山先生著文十卷曰過耳集

明

貝瓊

正德崇德縣志字廷珍嘗從石門黃次山傳周易大旨及聞楊鐵崖倡古文於會稽往從焉學

益進元季不就司試往來華亭海昌間生徒雲集明初應詔入史局預編元史同輩稱其叙事直

而不詭尋校文浙省稱得人授國子助教凡五年以疾辭歸瓊才賸氣雄為一時俊傑而出處大節尤有可觀著有清江集行世

張翼

一作翼鵠李詩繫字翔南先世建德人徙嘉興博極羣書屬文敏捷好為奇澁語至正己巳薦

徵於鄉與金網俱以龍門賦中高等明初徵入禮局事竣賜白金歸著有梓宇集

陳約

正德嘉善縣志字博文父宗遠通五經子史元季放情湖海與楊廉夫顧仲瑛以詩倡和名重

於時約少承家學工詩洪武初召對稱旨授大理寺卿調山西布政使卒所著有一點居士集

陶振

鵠李詩繫字子昌嘉興人自號釣鼇生學於楊廉夫治詩書春秋三經天才超逸吐語豪俊少

有神童名洪武間薦授吳江訓導嘗生佃官房逮至京進紫金山金水河二賦得釋改安化教諭歸

隱九
峯

周鼎

列朝詩集傳字伯器嘉善人博極經史為弟子師正統中大征閩寇沐陽伯金忠辟置幕下議

進取方畧多見用嘗與千戶龔遂奇從數騎入尤
溪山寨降其衆而還幕府不知也寇平遇土木之
難格其賞授沐陽典史罷官歸遨遊三吳賣文為
活吳中墓志譜牒皆出其手造請填咽年近九十
修杭州府志燈下書蠅頭字界
畫信手不折紙為範毫髮不爽

姚綬

嘉興府圖記字公綬少攻古文詞大順進士為
監察御史巡鹽兩淮鈎剔積弊淮飢畫策賑濟

流民賴以全活後出知永寧辭歸作滄江虹月舟
遊泛甚遠書畫妙絕一時詩文宅逸著有犬易天
人合旨及雜
集若干卷

劉杰

萬厯嘉興府志字季俊海鹽人幼穎敏讀書過目成誦學禮於許伯全受尚書於邵宏譽後棄

舉子業專意學古通聲律書數長於詩文成化改元徵杰修英宗實錄晚年著作煥然德器淳雅卓

為鄉士大夫儀矩

周澤

兩浙名賢錄字天雨嘉善人博學有才為文清婉詩亦工雖不多作每一言出人競膾炙之成

化癸卯領鄉薦第一登進士累官福州同知轉贛州卒

戴經

萬厯秀水縣志字孟常成化丙午舉於鄉厯延平九江二郡司李居官執法甘淡泊六載官署

未嘗以家累自隨遭泰安知州致仕杜門著書有尋陽餘稿雙湖集行世秀邑前未有志志自經始

徐泰

海鹽文獻志字子元生而聰敏豪邁舉弘治甲子鄉薦授桐城學諭典江右文衡得士為多連

蓬州學正蓬去鄉萬里山川險隔豁然大觀登臨
覽古而文益進轉光澤令晚歸與弟咸攻古文詩
詞識者以為雄健過於方洲華藻超於雲谷卒年
九十餘有玉池稿玉池談屑春秋鄙見女學詩談
海鹽志
梓行

徐咸

海鹽縣圖經泰同母弟舉進士知沔陽州懋襄
陽知府入覲中考功法歸居官寬簡持大體沔

多泰咸教民引渠灌泉傲吳地種稻襄有妖民惑
衆罪其魁餘悉解散性孝友事親飲食必躬視仲
兄哀老迎養於家晚歲築園城闔名小瀛洲遇勝
日邀諸名流飲酒賦詩陶然自適著有近代名臣
言行錄澤山野錄四朝聞
見錄西園雜記東濱三稿

張文憲

石門縣志字廷鑑七歲工八法以神童薦於
朝孝宗召試乾坤二大字稱旨令讀書翰林

給餼廩一時名公呼為小友嘉靖癸未成進士終工部尚書端凝詳慎正直不阿服官四十餘年侍經筵修國史玉牒諸綸綍多出其手前後被賜不一以禮致政橐囊無餘積晏如也弟姪同居食不減公藝門風年八十七卒遣官諭祭命有司治塋域又刻其爰山文集

屠應竣

萬厯嘉興府志字文升康僖勲之子方舞勺康僖與說史傳語半令懸斷成敗若素習者

長而貫綜百家聲稱藉甚嘉靖乙酉舉鄉試明年成進士授庶吉士改刑部主事典江西試程義冠絕一時尋改修撰進諭德其為文善比事屬辭陳理類情縱橫經史子傳而宗本子長詩法汎濶百家意有獨詣諸名家無不傾下之後移疾歸所著有蘭暉堂集

董穀

海鹽縣圖經字碩甫澣之子舉鄉試厯安義漢陽二縣今所至廉靖不苛好學工詩宦歸安貧

自怡當畫炊烟未舉猶散步漱聖湖濱吟咏自若
後侍父遊王守仁之門學識大進有性論一篇其
悟後筆也所著泰龍子
四存前後集漱水志

范言

萬厯嘉興府志字孔嘉秀水人嘉靖丙戌進士
自蒲圻令改學博轉國子監丞遷大理府同知

致仕言博綜經史善屬文與里中彭輅以文詞相
頡頏范宗韓歐有體裁彭閔肆綺麗出入史漢兩
家各負氣不相下說者謂范馴
謹而彭橫肆所著有菁陽集

王梅

嘉興府志字時魁嘉靖壬辰進士授庶吉士改
刑曹謫判滁州卒梅才氣雄邁嘗言人生如白

駒過隙所賴以不朽者志節文章耳自讀書中秘
以直言迂杖左遷益肆力經國之業著有柘湖遺
稿

胡憲仲

海鹽縣圖經字文徵少儻負大志嘗上書督學使者求試書千言引韓退之蘇子瞻自

況嘉靖庚戌成進士時諳達犯京師憲仲上議十款且請自當一面授南刑部主事倭方擾浙中憲仲移書浙帥言倭三策帥臣用之率大驗遊鄭端簡之門博覽今古益留心經濟在都手抄列聖史錄搜覽六曹百司掌故奏議方輒諸書斬悉概於中見之行事性好吟詩善同年粵東梁有譽引交吳宗徐諸子來南都益構思苦吟遺疾卒集三卷行世

戚元佐

萬厯秀水縣志字希仲嘉靖壬戌進士選儀部典禮多所匡贊宗藩一疏深憂碩畫人謂

不減賈洛陽陞尚寶卿告歸居家廉靖不為請謁文法西京詩宗李杜善書畫有青藜集往哲列傳

沈元華

萬厯秀水縣志字遂伯嘉靖壬戌進士少嗜學不事家人生產嘗左持觴右執卷伊吾至

丙夜意得處輒浮白自造凡天丈地理靡不綜究
嘗考古今方輿自唐虞三代以至明其形勝扼塞
要害皆有圖說仕
至南京大理寺卿

郁天民

萬厯嘉興府志字元仲嘉善人厭薄舉子業
肆力於古文詞為文援筆立就於國家典故

尤習著述殊富

項元淇

萬厯嘉興府志字子瞻秀水人狷介寡儔不
事家人生產於書無所不窺工詩詞尤好臨

摹古法書善草聖每遊戲翰墨尺幅數行人競寶
之嘗以貲拜上林丞非其好也遭內艱歸墓田丙
舍卒歲食貧親知貴顯或厚遺之却弗受時與騷
人衲子往來唱和談名理超超元箸李弟元汴博
物好古尤精繪事家藏丹青墨跡意
得輒臨摹題詠其間自號墨林山人

顧夢

萬歷嘉興府志海鹽人領鄉薦記誦閎博文詞瞻麗尤長於酌古有讀書脩志雜著人士多出

其門

王文祿

海鹽縣圖經字世廉少舉鄉薦屢上春官不第居身廉峻未嘗以私干人遇不平時叱罵

不避權貴戶田三百請編役如民佐邑令成均田法性嗜書聞人有異書傾囊購募得必手校縹緗萬軸置之一樓俄失火大慟曰但力救書者償他不必也所著有藝草邱陵學山邑文獻志衛志

仇俊卿

海鹽縣圖經字舜徵舉鄉薦知惠安縣終國子助教好讀書至老未嘗釋卷熟練時事雖

家居亦盡言倭寇時策戰守機宜上幕府多中窾隆萬間海塘圯上疏請修築卒年九十有二所著瀛仙集通史他石海鹽縣志

沈燭

兩浙名賢錄字士明武塘人弱冠舉於鄉凡十

詩文抽自理學佐以蘇韓不為雕繪書法道逸似

米南宮所至問字屢滿戶外苟非其人即貴壓梁

竇弗許也所著石

聯道稿行於世

莫藏海鹽縣圖經字用行工詩文及真草篆籀八分

諸體錫刻古印章繪花木禽蟲水仙皆可愛親

病嘗割股療之字弟馬友愛與賢士大夫交所

著有佩鴈稿詠史詩素軒稿五音字書辨謠

沈懋孝

天啟平湖縣志字幼真嘉靖壬戌進士隆慶

戊辰改庶吉士授編修甲戌分考禮闈壬午

副考南畿遷南司業中蜚語謫歸其自言曰自二

十五歲脫科舉之習侍養七年無一日不探羣籍

故入館時已洞知作者門路在館二十五年亦無

一日不誦覽而力嘗分五十掛冠始一意勒成一

家言且忘其衰老矣纂輯甚富頗多散佚所著有滴露洛誦石林四餘賁園水雲淇林諸編

黃洪憲

萬厯嘉興府志字懋忠秀水人隆慶丁丑分校試第一辛未進士授庶吉士萬厯丁丑分校

禮闈江陵欲屬其子洪憲不可江陵廷責之聲色俱厲弗為動尋預修會典國史直起居注厯右庶子少詹事侍讀學士日講官會忌者以試事中之遂乞歸洪憲端謹醇厚至取予尤嚴一介初為編修時使朝鮮歸止攜圖書數卷諸牢禮庭實皆藉記遺譯者謝卻之朝鮮人為立卻金亭所著有皇明文獻朝鮮志鑒坡制草學易詳說學詩多識

沈自邠

萬厯秀水縣志字茂仁萬厯丁丑進士選庶吉士授檢討纂修大明會典成遷修撰自邠

生而韶秀讀書窺大旨發為文章清素冠冕無險巖詰曲態故自諸生至入館試輒高等為人恂恂

欽定四庫全書

卷一百七十九

雅飭頗
似其文

馮夢禎

列朝詩集傳字開之秀水人萬厯丁丑會元選庶吉士除編修與沈懋學屠隆以文章氣

節相豪時相不悅左官外謫量移南司業厯祭酒為南曹郎劾免遂不復出築室孤山之麓家藏快雪時晴帖名其堂曰快雪風流弘長衣被海內有真寶居士集若干卷為詩文疎朗通脫不以刻鏤為工

湯紹祖

海鹽縣圖經字公孟七歲通古文詞長而耽讀聞有異書必百計購求以故藏帙獨富好

駢麗之文嘗取梁末及李唐文之可繼蕭選者為續文選三十二卷行世郊居讀書謝絕人事猶恐俗客相溷每日以舫載書代著水中央讀之薄暮歸以為常有清遠堂文稿

李應徵

楊李詩繫字伯達嘉興人萬歷癸酉舉人一

學博平生感憤一寓於詩情旨婉約不徒以寫景
述事為工著有青蓮館初編藿園集汗漫遊薊易

寓言寄茗

漫草等集

沈堯中

楊李詩繫字執甫嘉興人萬歷庚辰進士起
家縣令歷陞南刑曹博學嗜古明於典故纂

修郡志著有沈司寇集治統紀
畧邊籌七畧高士彙林等書

李日華

列朝詩集傳字君實嘉興人萬歷壬辰進士
除九江推官累官太僕寺少卿告歸日華和

易安雅恬於仕進後先家食二十餘年能書畫善
賞鑒一時士大夫風流儒雅好古博物祥符玉惟
儉雲間董其昌為最日華書畫亞於其昌博雅亞
於惟儉而徵兼二公之長落落穆穆韻度類然可

士 稱名

陳萬言

嘉興通志字居一嘉善人弱冠領浙解登萬歷乙未進士讀中秘書性孝友為文精思

攻苦艱關戶牖力還正始下逮臨池篆籀奇壬數學茂不嘔心抉秘未授官卒著有文在堂集鉞園

集謙九

堂續集

周履靖

嘉興縣志字逸之少羸去經生業專力為古文詞廢署千金度古今典籍編節引流離植

梅竹讀書其中所著詩盈百卷手書金石古篆隸晉魏行楷及畫史稱是劉鳳嘗作貧士傳遺之

陳懿典

秀水縣志字孟常號如岡萬歷丙子以儒士應試方擬元司泉以未經費序疑之直指梘

然曰此卷豈當後人寧遲下科應不失第一也是冬補博士弟子已卯果領解壬辰成進士選庶常

授編修與修實錄分授同姓諸王傳時神宗皇儲
未建忽傳三王並封之諭懿典抗疏祖訓無元子
並封之例移書首揆責之事得中止尋轉中允諭
德冊封魯藩以目青假歸葉向高薦之起南翰林
學士不赴天啟初抹輯肅顯兩朝有闕修齊之要
者類成聖政聖學四卷上之中指切宦官不得干
政以寓規諫魏忠賢叩之會璫敗得免崇禎初晉
少詹益堅初志里居三十餘年擁書萬卷卒年八
十五著有論孟贊
義士陞紀畧諸書

沈孝徵

海鹽縣圖經字原萬歷戊戌進士主政工
部董漕船清江行河高郵擢憲副汝南告歸

屢薦不起孝徵神米溢發意興豪往而分署時與
稅璫抗節省水衡金錢萬計巨盜丁某為窟室藏
子女金帛無算殲之境以安邇長橋跨淮拯光州
之病涉者告成獲龍神之應家居不治生產信脫

裁篇人莫能及有元
暢閣集若干卷行世

金九成

王世貞金九成傳字伯韶嘉興人幼警敏善屬文九歲題詩郡齋為郡守龔勉所器重年

十二補弟子員萬厯丙子舉於鄉再上春官失利歸卧武原望虞山著史論史辨各三十卷又別為元史考誤四十卷詩格在高季迪袁景文之間五言今體尤為道上

劉世教

海鹽縣圖經字少彛為人伉爽於書無所不窺每落筆奇蒨繽紛可愛自以門地高華才

情軼世不屑屑谿刻自若節容止服御斥買書籍古鼎彝又慕義聲急人難故業漸削萬厯庚子舉北闈謁選授閩清令事悉治辨病卒世教於詩好李杜嘗取舊集之編年者分體次之序以行世自為詩尤秀出文仿六朝儷體其所善即文通子山不讓也兼工行草尺牘有集十二卷

胡震亨

嘉興府志字孝韓海鹽人才識通敏為諸生即以經濟自負萬歷丁酉舉於鄉數上公車

不遇知合肥縣吏治之餘留意翰鈴嘗與劉綬論
兵老將心折時議舉震亨遷才不果崇禎季年薦
補定州知州以城守功擢兵部職方司員外郎乞
歸藏書萬卷日夕搜討凡秘冊僻本舊典佚事遺
誤魚魯漫漶不可句讀者無不補綴揚榷稱博物
君子所著唐詩統籤海鹽圖經續文選靖康咨蓼
錄凡海虞毛氏書
多震亨所編定也

曹徵庸

馮李詩繫字遠生平湖人萬歷戊戌進士官
至山西汾州守為人清疎俊逸埽地焚香避

俗如浼每芻中芒屨自肆山水間其冰雪軒詩曠
蕩多出塵之想湖邑博學好古者長水太史以還
其流
亞也

沈德符

列朝詩集傳字景倩嘉興人太史自邵子於兩宋以來史乘別集故家舊事往往能數陳

其本末家世仕宦習聞國家故事且習見嘉靖以來名人遺獻講求掌故網羅散失將勒成一家之言以上史館惜有志而未逮也年四十始上春官不第而死

沈如封

舊浙江通志字慰先石門人工詩善屬文精八法通曉太乙六壬遁甲演禽九流家言構

樓黃墩觴咏其中有見山集北遊稿

吳郡

石門縣志字公治博聞強記下筆十言年十九舉於鄉授洪雅令改榮昌民安政舉以忤中貴

去官嗜歌詩徜徉西湖山水品題幾徧入吳山社汎艇乘月儵然獨往有學步吟吳山社草

錢龍珍

嘉興縣志字松漫沉酣六籍出為制舉義無一語諧俗武林虞淳熙見其文許為第一著

有毛詩正義八卷臆易四卷倣呂東萊大事記著
史編二百八十卷倣邱瓊山世史正綱著史綱三

十卷又著家
鄉禮節四卷

趙維寰

嘉興府志字無聲平湖人拔貢舉萬厯庚子
順天鄉試第一署海寧教諭陞南國子監丞

擢刑曹轉郎官歸為人負氣所至不肯依阿為監
丞與大司成不相能欲掛冠司成謝之乃解居刑
曹既疏劾撫寧侯朱國弼罷之復與大司寇甄淑
訐奏并及御史劉之鳳以其沮格已疏也坐是奪
職杜門著書有二十一史快編快史拾遺諸書刊
刻行世子韓字退之著攬言諸書孫洵字天來有
寶真集

張奇齡

許令典張奇齡傳字符九海鹽人年十二補
博士弟子文譽鵲起最為馮夢禎所器重萬

歷癸卯舉鄉試几十上公車不第開講席於西湖
苕霅間巡撫劉一焜聘之主虎林書院學者稱太
白先生嘗訓學者曰與為質經術不若為真詞章
與為質理學不若為真訓詁聞者歎為名言著有
鐵菴集藏笥集識大編問業紀事等書
子惟赤順治乙未進士官工科給事中

孫茂芝

舊浙江通志字若英嘉善人博通經史閉戶
著書由貢選沔陽同知解職歸蕭然物外著
有讀經疑辭融繹
研梓齋稿等集

范應賓

舊浙江通志字光父嘉善人進士歷官主事
精於經學名重一時片言落楮藏書家珍為

球壁

宋鳳翔

嘉興縣志字羽皇嘉興人游北雍中萬歷壬
子鄉試第一文名震海內無論識不識咸稱

羽皇先生
未第而卒

徐弘澤

嘉興縣志字春門所居當閭闔拂衣淡宕為詩類元白畫出入子久仲圭丹陽句曲間書

法從吳興而尤愛張伯雨時稱春門三絕晚登我眉絕頂得山水之助歸而益工詩畫自號竹浪老

人子柏齡孝廉亦善詩畫為黃道周所重

陳許廷

嘉興府志字靈茂海鹽人陳際泰揚廷樞張來張溥咸與定交以薦授兵部司務移疾歸

博物洽聞尤悉掌故嘗辨杜遵道亳州檄文明祖不奉小明王元瑪哈穆特弒布尼雅實哩非阿勒坦所弒足

訂通紀諸書之訛所著有蘇菴集周易注傳演林左傳典畧漢書雋洪永紀事本末李義山詩箋

姚士舜

列朝詩集傳字叔祥海鹽人與里人胡震亨同學以與博相尚蒐討秦漢以來遺文秘簡

撰秘冊彙函若干卷跋尾各為考據具有原委馮夢禎為南祭酒較刻南北諸史多出叔祥之手有

集四

陳懋仁

葛浙江通志字無功嘉興人性嗜古節俠自喜參軍泉州不以簿書廢鉛槧記泉南事多

故牒所未脩足跡幾徧海內晚歸著述凡二十餘種李維禎嘗曰予周覽五十餘年僅得馮李陳無功一人子蓋謨篤行博學精考天

文地理象數聲韻諸書皆有師法

袁儼

馮李詩繫字若思天啟乙丑進士授高安令尋卒有抱膝齋集其詩神韻幽異彷彿晚唐至經

世之文尋源竟委無出其右者

譚貞默

嘉興縣志字埽菴崇禎戊辰進士任工部假歸好古文詞居家十五年杜門益著書有見

聖編韻史蒐詮閱代新詩其間集詩騷詞賦化書數百卷行世嘉郡稱文學者自李太僕日華外唯

貞默云

曹勳

謫李詩繫字允大號峨雪嘉善人崇禎戊辰會試第一授庶吉士官至禮部侍郎時門戶角立

勳在講筵每隱護善類侃侃言之乞養十年

吳爾疐

石門縣志字子虎爾壘弟家有藏書喜博覽間與同學鈎考古人逸事某事出第幾葉第

幾行射覆輒中細及音聲字畫俱能訂其謬舛年十四渡江謁倪文正元璐文正歎異曰江夏黃童也值爾壘以殉難聞復遺母疾剖股和藥不敢哀號辟踊而奄奄氣息矣古文詞灑灑日萬言而義闕可否一字不肯苟下喜賦詩登臨懷古語語皆本至性其人弱不勝衣而方寸嶽起萬夫莫奪著

有歸雲樓
集若干卷

姚瀚

舊浙江通志字公滌以蔭入太學嘗從常熟瞿式耜江右鄧履中妻東張溥游崇禎丙子就試

南都有國門廣業之選一時稱為月旦重纂編年史廣荊川左編集漢至隋為八代文統有書四十
皆散佚不傳

朱茂曙

汪琬朱茂曙傳字子衡太傅國祚之孫知府大競子為人恂恂儒雅篤於孝友取予進退

介而有節太傅嘗蔭一孫以予茂曙茂曙不受叔
某富而無子以次當嗣又不受悉以推諸弟浙江
巡撫董象恒者友壻也或勸往見之固辭不住少
善屬文工行楷書能畫山水竹石為董文敏所稱
明季即棄去諸生業經史之外旁習天文醫卜諸
家書逾數十萬言盡通其術晚雖書畫亦屏不復

為惟時寓於奕
以自遣而已

朱茂暉

靜志居詩話字子若秀水縣諸生以祖廕授中書舍人好博覽經史之外諸子百家靡不

兼綜古文詞元本六藝韻語不屑蹈襲前人尺牘日可百函華亭周立勲嘗云讀書能化臭腐為神
奇惟禾中朱子若有其法所輯禹貢補注徐孚遠
謂當與程泰之傳同叔並垂著有晦在先生集

吳麟玉

舊浙江通志字稚貞秀水人少負才名放浪詩酒間家築小圃栽竹萬竿構數椽隱居其

中題為琅玕社與雲間陳繼儒釋智瑤倡和晚喜
種梅調鶴自號澹雪翁有醉月軒閒吟草行世

李標

靜志居詩話字子建嘉善人有東山遺稿精於
戎機戰畧軍律營陣士遁諸書史可法辟為記

室後可法死揚州渡江會葬其衣冠於梅花嶺歸
而繞屋皆種梅賦詩三十首蓋自託於西臺之謝

參軍

云

孫曾楠

舊浙江通志字讓生平湖諸生結廬秋涇人稱鐵菴先生雲間陳繼儒以家藏揚廉夫鐵

冠鐵笛為壽曰冠貯竹葉酒笛作梅花弄此菴大不俗矣著梅間草竹裡吟學陶集數種

吳統持

名籍甚浙江通志字巨手秀水人弱冠輒於庠文

饘粥不繼嘗賣卜於四方徧歷齊魯燕趙之墟或稱胥山樵子所著典林十卷明月樓集項名佩淑

且才著有

藕花樓集

沈起

靜志居詩話字仲方嘉興縣學生嘗擬撰明書謂明不亡於流寇而亡於廠衛斷自成化十二

年秋始至設西版
止有學園錄續集

國朝

俞汝言

舊浙江通志字右吉秀水人少孤貧力學具經世才嘗遍遊四方蒐羅載籍讀所未見書

歸而閉戶著述有漸川集諸書晚又著春秋平義十二卷四傳糾正一卷生是兩目失明然猶令人口誦諸書汝言口授所見使筆記之

曹溶

攜李詩繫字深躬號秋嶽秀水人崇禎丁丑進士官御史

國朝順治間歷副都御史戶部侍郎出為廣東布政使左遷山西陽和道裁缺歸里卒年八十三洛肆力於文章尤工尺牘長箋小幅人共寶之詩與合肥龔鼎孳齊名人稱龔曹晚築室范蠡湖名曰倦圃多藏書勤於誦覽輯續獻徵錄六十卷崇禎五十輔臣傳五卷外有靜惕堂詩文三十卷

王翊

嘉興縣志字介人日以吟哦為樂有春槐秋槐二集里中諸子更唱迭和因有梅里派之稱詩

餘三千餘首長短諸體莫不脩

錢士馨

靜志居詩話字雅農平湖人研究經史多所撰述据尚書大小戴記春秋內外傳以補周

禮冬官賦詩能遠時習有賡茄集

陸上瀾

雋李詩繫字芳洲平湖人崇禎丙子舉人為文古奧年八旬手不釋卷所著詩文集并間

齋志林湖邑記聞玉鈞小史諸書稱博雅者未之能及也

王庭

山西通志字言遠嘉興人順治己丑進士從平粵東授廣州府知府累陞江西布政使補山西

以冰蘖之操倡屬吏有退謁者輒勗令牧養百姓慎出納吏不得上下其手後乞歸庭制義堅凝峭

刻自成一子古詩出入陶韋律得杜法晚乃汎濫
唐宋諸家著有秋閒詩三仕二西諸草四川名宦
冊庭由廣西副使提學四川
公明造士有文翁化蜀之風

彭孫通

吳農祥彭孫通傳字駿孫號羨門海鹽人順
治甲午舉於鄉已亥成進士官內閣中書舍

人康熙戊午開博學宏詞科大學士吳正治以孫
通薦明年三月

御試

體仁閣親第甲乙取中五十人入史館充纂修明

史官而孫通為第一識者謂制科不數舉與斯選
者較春秋得雋之榜為難而冠倫魁能鬱為選首
則尤儒生不世之殊遇也初授編修十年而至內
閣學士兼禮部侍郎旋晉少宰兼翰林院學士遂
乞歸孫通工詩詞與新城王士禎名埒時號彭王
嘗步蕭寺寺僧方製琉璃長明燈請為賦孫通諾
之僧退煮茗以餉茗未熟而賦就著有柏悅堂集

南淮集香奩倡和集
金粟詞延露詞行世

曹爾堪

稿李詩繫字子顧嘉善人勲之子順治壬辰進士改庶吉士授編修累官侍講學士性強

記諸瑣屑事能舉其原委人一見輒不忘若輿圖要害山川形勢指畫纖悉聽者神聳罷官歸階二

三老友選勝賦詩與宋琬施閏章沈荃王士禎王士祿汪琬程可則稱海內八家有南溪集行世

徐嘉炎

嘉興府志字勝力嘉興人舉博學宏詞授檢討庚午主貴州試稱得人累官內閣學士兼

禮部侍郎嘉炎書過目終身不忘凡奇書逸典鴻覽之士未睹記者輒就咨焉著抱經齋集

陸棗

公舉事實字義山原名世枋平湖諸生入國學以高等授內弘文院中書舍人復舉順天鄉試

康熙丁未進士為原官尋管典籍十七年舉鴻博試一等改翰林院編修充明史纂修官庚午主鄉

試福建癸酉為順天武鄉試副考官倅直南書房
出五臺金蓮花限韻賦詩立奏稱

旨三十三年召翰詹八十九人試以豐澤園賦理學真
偽論

上親閱卷取第一遂由宮贊陞內閣學士兼禮部侍郎
一年乞休嘉興府志某所著雅坪文稿十卷詩稿
四十卷詞譜三卷應試進呈
詩文合刻一卷雜著若干卷

李良年

嘉興府志字武曾與兄繩遠弟符言詩者稱
三李朱彝尊李良年行畧武曾嘉興人九齡

能作文十齡解賦詩持格律甚嚴嘗抄撮詩中禁
字一卷授學者於詞愛姜堯章吳君持諸家故所
作特穎異歲戊午以博學宏儒被薦入京師試不
得意歸築秋錦山房坐卧其中弟子著錄者日衆
崑山徐尚書乾學開書局於洞庭山招往助修一
統志自是歸不復出卒年六十所著有秋錦山房

集

徐善

嘉興府志字敬可嘉興人棄科舉不治從學施博晚作易論及徐氏四易一天易闡圖書也二

義易叙八卦也三商易辨十辟也四周易明四正八交之旨也又為春秋地名考家傳菑谷集莊子

注周髀密法會通弧矢六宗疏容圓寶絲網璇室洞詮

沈進

嘉興府志字山子嘉興人與同里朱彝尊日以詩篇酬和鄉人目曰朱沈未幾復與周賔賦古

今詩合一帙鄉人復以周沈目之游京師歸自號知退叟居藍村半巢教子讀書手自抄錄陶然自

適所著有文言會萃行國錄東園詩藍邨稿半巢居稿退叟行吟力圖蕭閒詞袁溪文稿共三十餘

卷子翼居喪盡哀甘露降於望廬人稱其孝

高士奇

嘉興府志字澹人號江村由諸生入太學以書法稱

旨注翰林授詹事府錄事歷陞少詹歸里尋召赴史局又以養母假歸晉詹事復即家拜禮部侍郎

兼學士士奇性耽書凡秘府典籍悉資討論然性極謹密侍直數十年出入扈從未嘗一語及溫室之對才情敏妙侍對詩文應聲立就邑有馮氏舊園構江村草堂居焉卒謚文恪子與庚辰進士官翰林院編修

周簣

嘉興府志字青士與里人王沆褚標蘭谿范路海寧朱一是諸人相倡和朱昇尊周簣傳略嘉

興人遭亂棄舉子業就市屢賣米有拓故家遺書連船載以鬻者簣買得一船積棧下每日中交易箕筥斗斛攢衡滿肆撥亂書糠秕中吟誦不輟為古今詩起超拔俗不輟襲前人片語有采山堂集

二十四卷詞緯三十卷今詞綜十
卷析津日記十卷投壺譜一卷

高佑鈇

嘉興府志字念祖嘉興人父承堦嘗輯自靖
錄佑鈇續成之博聞強記尤諳隆萬以來舊

事著懷寓堂
詩贈炙藝林

盛楓

嘉興府志字黼宸嘉興人辛酉舉人為安吉學
正嘗集明代遺獻為嘉禾徵獻錄著安吉耳聞

錄觀瀾錄
墨屑文集

魏坤

嘉興府志字禹平別字水村嘉善人乙卯舉人
詩文敏妙著有倚晴閣詩鈔水村琴趣與嘉定

陸元輔海寧陸嘉淑訂忘年之款詩詞日益工尋
就試橋門撰石鼓賦國子師交賞擊節以為絕倫

朱彛尊

嘉興府志字錫鬯號竹垞秀水人太博國作
之曾孫少聰慧絕人書過眼覆誦不遺一字

肆力於易書詩周官禮春秋左氏傳客遊南北必
索載十三經二十一史以自隨歲己未以博學鴻

殿廷取高等授檢討充

起居注日講官辛酉主考江南既而歸里後數年
駕幸河上至浙江

賜御書四字曰研經博物生平著書等身有經義考三
百卷曝書亭集八十卷日下舊聞四十二卷明詩
綜一百卷行世卒年八十一子昆
田字西畯國子監生賢而有文

沈季友

嘉興府志字客子平湖人康熙丁卯副榜幼
受知毛檢討奇齡長游太學都下咸以才名

推轂婦翁陸閣部莢有著作每引叅定馬所著南
疑集迴紅集輯賦格柘上遺詩攜李詩繫行世

吳震方

嘉興府志字右紹號青壇石門人康熙丙辰
進士由庶常改御史有晚樹樓詩稿行世

沈廷文

鄉賢留祀冊秀水人天姿穎異讀書過目不忘父子兄弟自相師友戊辰

廷對賜一甲第一官

翰林院修撰

高孝本

公舉事實字大立嘉興人三歲時指氣字曰此即浩然之氣也長而研經酌史發為古今

文妙合軌範康熙辛未成進士選知涇縣以艱歸再補續溪兼委歙篆處膏不潤以廉直聞罷官士民攀輪卧轍生平作詩甚富由登岱以迄遊台蕩諸山凡十七集其詩以遊而進晚歲自訂固哉叟未刪稿外存古三都賦雜賦二卷愚夫論二卷遊記二卷家傳一卷

沈麟振

公舉事實字武繩嘉善人少失父捧遺書不去手明季時為盜所脅遽抱書自沈於水謂

此祖父手澤當以死殉之遼為漁父救免而諸書亦賴以存於是設教授徒員笈者雲集名公鉅卿

往往出其門下所著有詩注解易細
評易贊時口占一詩而逝年九十

沈麋

嘉興府志字天鹿秀水人工詩賦家貧不廢吟
咏縱遊天台武夷粵東所至率哀然成帙著有

籟閣詞箋琴嘯
軒樂府等書

湖州府

南北朝

王韶之

宋書本傳字休嘉父偉之為烏程令因居縣
境好史籍博涉多聞泰元隆安時事小大悉

撰錄之韶之因此私撰晉安帝陽秋既成時人謂
宜居史職即除著作佐郎使續後事訖義熙九年
善序事詞論可觀為後代佳史高祖受禪復掌
書後為吳興太守卒七廟歌詞韶之製也文集行

世於

沈懷文

宋書本傳字思明武康人善文章嘗為楚昭王二妃詩見稱於世除尚書殿中郎徵士雷

次宗南還廬岳何尚之設祖道文義之士畢集為連句詩懷文所作尤美詞高一座有文集傳於世

邱淵之

弘治湖州府志字孔元烏程人博學有識宋文帝即位以舊恩厯吳郡太守所著文章一

卷百

邱靈鞠

齊書本傳烏程人少好學舉秀才累遷員外郎泰始初黨錮數年褚淵為吳興謂人曰此

郡才士惟有邱靈鞠及沈勃耳乃啟申之領東觀祭酒靈鞠曰人居官願數遷使我終身祭酒不恨

也入齊遷大中大夫卒著江左文章錄序起太興訖元熙文集行於世

邱國賓

南史王僧孺傳竟陵王子良開西邸招文學僧孺與太學生邱國賓並以善詞藻游國賓

吳興人以才志不遇著書以譏揚雄

邱令楷

南史王僧孺傳令楷吳興人竟陵王子良嘗夜集學士為詩令楷打銅鉢立韻響減則詩

成皆可觀覽

沈約

梁書本傳字休文武康人篤志好學母恐以勞生疾嘗遣減油滅火而晝之所讀夜輒誦之遂

博通羣籍能屬文齊初直永壽省校四部圖書特被親遇遷著作郎梁高祖受禪封建昌縣侯累遷尚書令太子少傅雖時遇隆重而居處儉素立宅東田瞻望郊阜嘗為郊居賦卒年七十三諡曰隱約左目重瞳子腰有紫痣聰明過人聚書至二萬卷歷仕三代該悉舊章博物洽聞當世取則謝玄

暉善為詩任彥昇工於文約兼而有之所著晉書
宋書齊紀高祖紀通言謚例宋文章志及文集一
百卷皆行於世又撰四聲譜以為在昔詞人累千
載而不悟而獨得胸襟窮其妙旨自謂入神之作

邱遲

南史本傳字希範烏程人八歲便屬文父靈南
嘗謂氣骨似我在齊以秀才累遷殿中郎梁武

帝平建鄴引為驃騎主簿時勸進梁王及殊禮皆
遲文也及踐阼遭中書郎時帝著連珠詔羣臣繼
作者數十人遲文最美出為永嘉太守天監四年
臨川王宏北侵以為諮議參軍領記室時陳伯之
在北與魏軍來拒遲以書喻之伯之降遲拜中書
侍郎卒官遲詞采流逸時有鍾嶸著詩評云邱遲
然綴映媚似落花
依草其見摶如此

吳均

梁書本傳字叔庠吳興故鄣人好學有俊才沈
約嘗見均文頗相稱賞天監初柳惲為吳興守

召補主簿日引與賦詩均文體清拔有古氣好事者或效之號為吳均體均表求撰齊春秋書成奏之高祖以其不實勅付省焚之尋有勅召見使撰通史起三皇訖齊代均草本紀世家已畢惟列傳未就普通元年卒均注後漢書九十卷著齊春秋廟記十三洲記錢唐先賢傳續文釋及文集二十卷

沈衆

陳書本傳字仲師武康人祖約父旋衆好學頗有文才梁武帝擢千字詩衆為之注解召見於

文德殿令為竹賦奏之帝手勅答曰卿文體翩翩可謂無忝爾祖陳高祖受命以衆州里知名當賜優渥超於時輩衆自奉甚薄永定二年以起部尚書監起太極殿恒服布袍芒屨攜乾魚蔬菜飯獨噉之

沈炯

陳書本傳字初明武康人少有雋才為當時所重侯景之難王僧辨素聞其名於軍中購得之

酬所獲者鐵錢十萬自是羽檄軍書皆出於炯及江陵勸進僧辨令炯製表其文甚工當時莫有逮者高祖南下與僧辨會於白茆灣登壇設誓炯為其文荊州陷為西魏所虜魏人甚禮之炯以母老在東恒思歸國恐魏人愛其文才而留之閉門却掃時有文章隨即毀棄嘗獨行經漢武通天臺為表奏之陳已思歸之意其夜夢見有宮禁之所兵衛甚嚴炯便以情事陳訴聞有人言甚不惜放卿還幾時可至少時便與王克等東歸高祖受禪加通直散騎常侍表請歸養不許文帝嗣位又表請詔荅曰當令馮親入舍荀母徙官用賄朝榮不虧家禮已初所由相迎尊累使卿公私得所也文帝重其才欲寵貴之會卒有集二十卷行於世

姚察

陳書本傳字伯審武康人六歲誦書萬餘言年十二便能屬文父僧坦知名梁代每得供賜給

察為游學之資察用聚蓄圖書由是聞見日博永
定初徐陵領著作引為史佐及陵讓官致仕等表
並請察製馬陵歎曰吾弗逮也太建初兼通直散
騎常侍報聘於周沛國劉臻竊訪漢書疑事十餘
條並為剖析皆有經據臻曰名下定無虛士著西
聘道里記叙事甚詳使還厯還尚書祠部侍郎吏
部尚書領著作陳滅入隋授秘書丞勅成梁陳二
史煬帝車駕巡幸恒侍從切問近對一人而已大
業二年終於東都所著漢書訓纂說林西聘玉
璽建康三鍾等記及文集二十卷並行於世

唐

姚思廉

唐書本傳本名簡以字行察之子寡嗜慾惟
一於學初察在隋嘗修梁陳史未就死以屬

思廉思廉表父遺言有詔聽續煬帝又詔與起居舍人崔祖濬修區宇圖志遭代王侍讀高祖定京師府僚皆奔亡獨思廉侍王帝義之聽扶王至順陽閣泣辭去秦王為皇太子遭洗馬改著作郎弘文館學士詔與魏徵共撰梁陳書思廉採謝灵運野王諸家言推究綜括為二史以卒業加通直散騎常侍卒謚曰康子班篤學有立志累拜戶部尚書始祖察嘗撰漢書訓纂而後之注漢書者多竊取其義為己說班著

紹述以發明祖義云

徐齊

明

唐書本傳字將道湖州長城人八歲能文太宗召試賜所佩金削刀高宗時為崇文館學

士修書於芳林門累遷西臺舍人善文誥帝愛之令侍皇太子及諸王屬文以職樞劇許閒日一至

堅子

徐堅

唐書本傳字元固湖州長城人舉秀才及第為萬年主簿天授三年上言書有五聽令有三覆

慮失情也比犯逆詔使者勸人命至重萬有一不實者欲訴無由此不足檢下之姦亂達長使人威福耳請如令覆奏又古者罰不逮嗣今選部廣責逆人親屬至無服者尚數十條臣請一切不禁以申曠蕩聖歷中東都留守楊再思王方慶共引為判官方慶善禮學嘗就質疑晦堅為申解得所未聞屬文典厚再思每日為鳳閣舍人樣與徐彥伯劉知幾張說與修三教珠英時張昌宗李嶠總領彌年不下筆堅與說專意撰綜條彙麓立諸儒因之成書累遷崇文館學士太平公主用事武攸暨屢邀請堅堅不許曰吾非求高逃禍耳數外徙元宗改麗正院為集賢院以堅充學士徙上泰山以叅定儀典加光祿大夫堅於典故多所諳識凡七當撰次高選卒年七十餘謚曰文

包融舊唐書賀知章傳神龍中湖州包融以吳士文詞秀發名揚於上京融遇張九齡引為懷州司

戶集賢直學士人
間往往傳其文

萬齊嘉靖湖州府志故鄭人才名振當時與烏程包融會稽賀朝萬河南荆臣齊名號已萬荆賀

沈千運兩浙名賢錄吳興人攻苦詩文力追作者以詩益窮至老不廢吟哦元結篋中集序云千

運獨挺於流俗之中強攘於已溺之後窮老不惑五十餘年凡所為文皆與時異故朋友後生稍見師效以正直而無祿位以忠信而久貧賤誰為辨士吾欲問之其歎息如此

孟郊唐書本傳字東野湖州武康人少隱嵩山性介少諧合韓愈一見為忘形交年五十得進士第

調溧陽尉縣有投金濤平陵城林薄蒙翳下有積水郊間往坐水傍徘徊賦詩曹務多廢鄭餘慶鎮

興元奏為參謀卒張籍謚曰貞曜先生郊為詩有理致最為愈所稱然思苦奇澀李觀亦論之曰高處在古無上平處下顧二謝

錢起

唐書盧綸傳綸與吉中孚韓翃錢起司空曙苗發崔峒耿湜夏侯審李端皆能詩號大歷十子

起吳興人天寶中舉進士與郎士元齊名時謂曰前有沈宋後有錢郎終考功郎中

沈亞之

兩浙名賢錄字下賢歸安人居小數山下學於韓愈之門與皇甫湜詩文往來大和初登

第遼李同捷反朝廷授柏耆德利行營諸軍計會使亞之以殿中侍御史為其判官李祐平德州同捷窮請降耆欲襲誅之亞之謂恐生諸將心且殺降不祥耆不聽竟誅同捷諸將嫉其專冒攢詆之文宗貶耆亞之亦貶南康尉

楊衡

西吳里語吳興人少隱廬山有竊其詩文登第者衡因詣闕亦登第見其人盛怒曰一一鶴聲

飛上天在否答曰此句知兄最惜不敢偷衡曰猶可恕也孟東野有悼吳興楊衡詩

閻士和

兩浙名賢錄烏程人以詩名於時隱居不仕結菴道場山下名之曰歸雲與僧皎然為方

外

嚴憚

吳興掌故字子重烏程人皮日休序云子為童在鄉校時抄杜舍人牧之集有與進士嚴憚詩

後至吳一日有客曰嚴憚予志其名久矣遽懷文見造於是樂得禮而觀之其所為工七字往往有清便柔媚時可逸駭於常軌未幾歸吳興以疾亡噫生以文詞聞於士大夫竟止此耶

邱光庭

吳興掌故烏程人列太學博士嘗承縣令余蟾檄請編集吳興遺事羅隱有酬光庭詩余

宋

陳舜俞

傳詳
循吏

孫侔

林希孫侔傳字少述吳興人幼孤力學七歲能屬文既長讀書精識元解能得聖人深意多所

論撰慶厯皇祐間與王安石曾鞏知名於江淮間侔初名處字正之安石所謂淮之南有賢人者也內行峭潔少許可不妄戲笑詩文嚴勁簡古卓然一出於已自成法度如其為人嘗舉進士不中母病且革頗恨不及見其仕嗚咽自誓終身不求仕客居吳門未嘗傳經教授而學者聞其風指多所開悟元豐三年除通直郎致仕卒有詩四千篇雜文三百篇

張先

嘉靖湖州府志字子野烏程人康定進士知吳江縣詩格清麗尤長樂府有雲破月來花弄影

浮萍破處見山影隔牆送過鞦韆影之句時號張
三影李公擇守吳興招集於郡圃為六客之會晚
歲優游鄉里嘗放舟釣魚為樂仕至都
官郎中有文集一百卷惟樂府行於世

陸蒙老

兩浙名賢錄字元光歸安人博學善吟咏嘗
為晉陵宰時州幕官有好諛同列者一日同

會聞蟬幕謂陸曰君可吟此陸即席詠曰綠陰深
處汝行藏風露從來是稻粱莫倚高枝縱繁響也
應回首顧螳螂
其人聞之少戢

劉燾

嘉靖湖州府志字無言吳興長城人未冠遊太
學與陳亨伯等以八俊稱元祐三年蘇軾知貢

舉稱其文章典麗遂中甲科尤善書筆勢遒勁黃
山谷謂江左又生羊欣矣在館中嘗被詔修閣帖
十卷又注聖濟經有
見南山集五十卷

魯伯能

兩浙名賢錄安吉人博學強記九歲通五經日誦萬言家貧無油夜乘月光讀書達旦歷

虔州太守生平無他嗜惟以文翰自娛有集三百餘卷

劉度

嘉靖湖州府志字汝一長興人博覽強記內翰汪藻一見異之以制科薦登紹興進士歷臺諫

金人畔盟度條陳三策不報孝宗即位抗疏陳春秋正始之道著有傳言鑑古三十篇雜文三十卷

施元之

長興縣志字德初以文章著聲試館職除起居舍人遷左司諫注東坡詩四十卷

陳晦

長興縣志字自明中童子科又中博學宏詞科仕至刑部侍郎兼中書舍人有文集三十卷

陳振孫

弘治湖州府志字伯玉安吉人所居號直齋博通古今為浙西提舉停廢醋庫邦人德之

沈瀛

吳興掌故字子壽有文集葉水心適序曰吳興沈子壽少入太學名聞四方仕四十餘年絀於

王官再入郡三佐帥幕公私憔悴而子壽老矣其平生業嗜文字若性命在身甲乙自著累千百首其為音瑰富精切自然新美又能融釋衆疑兼趨空寂觀其開闢疾徐之間旁觀而橫陳逸驚而高翔蓋宗廟朝廷之文非自娛於幽遠淡薄者也

元

趙孟頫

元史本傳字子昂太祖之後伯圭賜第於湖州故為州人至元二十三年程鉅夫訪遺逸

於江南以孟頫入見才氣英邁神采煥發如神仙中人世祖喜授兵部郎中累遷集賢直學士先是僧格遣錫都等算天下錢糧已徵入數百萬未徵者尚數千萬民不聊生孟頫與阿里衮薩里善勸令奏帝盡與蠲除帝從之民始甦又徵奉御薩里使言僧格之罪帝遂衆誅僧格仁宗在東宮知其

名累拜翰林學士承旨榮祿大夫以字呼之而不名至治二年卒追封魏國公諡大敏孟頫所著有尚書注有琴樂原得律呂不傳之妙詩文清遠奇逸飄飄有出塵想篆籀分隸真行草書無不冠絕古今畫尤精緻楊載稱孟頫之才頗為書畫所掩知其書畫者不知其文章知其文章者不知其經濟之學人以為知言

趙雍

弘治湖州府志字仲穆孟頫子仕同知湖州路總管府事雍豪爽有風概尤工於書畫得家傳

秘之

魯璘

弘治湖州府志烏程人為入古朴其學質實詩文雄壯為時所重

王子中

弘治湖州府志字居正武康人好學有詩名無仕進意柯敬仲虞邵菴皆相善率多唱酬

有掛蓑吟
三卷行世

張復亨

弘治湖州府志字剛父烏程人博覽工詩文仕至泰州同知與趙孟頫牟應龍王子中陳

無逸陳仲信姚式錢選皆以能詩擅名號吳興八俊虞集嘗稱唐人之後惟吳興八俊可繼其音俱

有集
行世

錢選

元詩選傳字舜舉號玉潭吳興人宋景定間鄉貢進士善畫用筆高者至與古人無辨嘗借人

白鷹圖臨摹裝池以所臨本歸之主人弗覺也趙文敏早歲從之問畫法文敏入朝諸人皆附以取官爵選獨齟齬不合流連詩畫以終其身黃公望謂舜舉吳興碩學貫串經史人品甚高而世往往以畫史稱之掩其所學可謂深知舜舉者

華質學

弘治湖州府志字伯直長興人有俊才工詩有碧溪集行世子廉字仲清亦能詩有翠微集

明

曹孔章

弘治湖州府志字子文長興人通五經子史百氏無不究覽洪武初薦為烏程學教諭遷

湖州府教授所著詩文尚簡古

沈夢麟

弘治湖州府志字元昭歸安人少有詩名元時以乙科授婺州學正遭武康尹以疾辭洪

武間五主文衡於閩浙年九十三卒詩有盛唐風時人稱為沈八句有花溪集行世

邵輔仁

靜志居詩話字友文歸安人少有至行不樂華靡母衣以綵帛報顏不服長博通經史恥

為章句之學潘元明據湖州使人招之亡去洪武初始歸里有集失傳

鄭韶

列朝詩集傳字九成吳興人好讀書慷慨有氣節辟試漕府掾不事奔競淡然以詩酒自樂作

詩追踪盛唐楊鐵崖以為與北州李才輩相上下

王蒙

列朝詩集傳字叔明吳興人趙文敏之甥盡山水師巨然得外氏法然不求妍於時為文章不

尚矩度頃刻數千言可就隱於黃鶴山自號黃鶴山樵人以此稱之元末官理問洪武初為泰安州

州知

車昭

弘治湖州府志字叔明德清人不事產業惟嗜學結樓置書數百卷檢閱其中無間寒暑洪武

中本縣辟為儒學訓導昭能詩長於古選有臨清集

許德華

弘治湖州府志長興人少篤志於學嘗置別業於卞山藏書數百卷自號潛齋州郡累辟

不起卒年八十有潛齋集

楊復

兩浙名賢錄字遂初長興人刻苦問學善古文詞力還古雅不修藻績元言空部無不研解嘗

日抄唐韻數過得字義之精永樂初領浙江鄉試第一丙戌成進士拜監察御史累遷大理少卿決

獄無冤有土

苴集五十卷

李齡

弘治湖州府志字長年歸安人幼從外祖沈夢麟學詩長於唐律有學古集十卷

沈溥

嘉靖湖州府志字洪濟烏程人力學敦行所交盡海內名流為詩丈不事剽襲而興致灑然所

著有蘋洲集雪川淵源錄以鄉舉選授蘇州府通判

吳琬

長興縣志字汝瑋世居呂山宅傍有井泉甚甘因自號甘泉琬所出微少孤穎異絕倫而不習

舉子業歲書數屋建環山樓於董鵬鍵戶冥搜積
十年不下遂精皇極經世之學決邵子閭奧郡守
劉太和北面受業劉之夫人亦妙解推測親執弟
子禮析義質疑若柳悵之於道蘊也宸濠以幣交
峻却之嘗游白門壘遇與覲蒙蒙占有異啟邇者
發之則逆瑾所實兵器也瑾謀自是折焉其知幾
如神類此武宗詔徵至中遂遄歸卒所著有元元
集皇極經世鈴解太乙統宗太乙陶金六壬金鎖
匙天文要義等書又三才廣志三
百卷火類六百卷環山集六卷

唐廣

列朝詩集傳字惟勤湖州人嘗為安吉醫官自
號半隱面如紅玉目光閃閃如畫中人善譔好

飲手抄異書不惜示人吳興邱太祐有詩名纖麗
似溫李廣一變為中唐冲淡類韋柳張淵子靜其
所造也

趙金

靜志居詩話字淮獻烏程人正德中詔徵不起居南潯著書闡閭閻入其門者有如深壑恒坐

小艇出入五湖陶然自酌南垣簪溪二尚書結峴山會造廬請入社不應也年八十九而卒有浮林

集其詩不蹈時習取境故超

邱吉

列朝詩集傳字太祐歸安人天性淡約游眺吳越山水間飄然遠俗其詩藏麗主溫李為吳興

詩人領袖唐惟勤張子靜繼之

施侃

嘉靖湖州府志字邦直歸安人肆力於學經史之餘凡陰陽律呂兵卜奇秘無不鉤勘有得輒

書於冊為古文雄渾深懋詩先氣格意興清遠與山人孫太初游其詩才亦相當嘉靖丙戌成進士

有菁

山集

張淵

傳詳
孝友

閔如霖

烏程縣志字師望號午塘嘉靖壬辰進士選庶吉士歷官南禮部尚書致仕才名重一時

三典文衡簡閱精審所獎拔在文藝尺幅之外戊戌得袁焯冠禮闈癸卯順天拔瞿景淳於彙卷中以元燈決之教庶吉士日與商論國家大故不以雕琢文字為工故最號得人著午塘集

駱文盛

分省人物考字質甫武康人嘉靖乙未進士改庶吉士授編修一時同館之士多重其文

無何乞病還終不起溪居惟詩酒自娛其用意深遠蓋有托而逃者蔡白石稱其詩冲淡爾雅摘句整秀孫文恪稱其文簡古多思尤深於詩婉切冲雅似唐人有遺稿十二卷雜文二卷

施峻

列朝詩集傳字平叔歸安人嘉靖乙未進士授南刑部主事歷郎中出知青州以內計罷官有

璉川詩集八卷時准其七言今體謂可方唐應德
云家居樓樓如斗典籍甚具署曰甲秀非同調不
與登歌詩歡
飲以終其身

茅坤

列朝詩集傳字順甫歸安人嘉靖戊戌進士知
青陽丹徒二縣擢部曹出為廣西按察使僉事

遷副使備兵大名中吏議歸林居五十餘載年九
十乃卒坤自命有文武才好談兵在廣西府江賊
探鬼子等若坤請簡練五千人自署以往多縱反
間搆其黨與以奇兵直搗其巢連破十七若嘉靖
末年東南患倭胡宗憲為督府虛心資訪用其策
為多為文滔滔莽莽謂文章逸氣司馬子長之後
千餘年而得歐陽子又五百年而得茅子疾世
之偽為秦漢者批選唐宋八家之文以正之

董份

嘉靖浙江通志字用均烏程人嘉靖辛丑進士由
庶常歷官禮部尚書古文詩詞書法並有高出

一世之概著
有沁園集

凌震

分省人物考字時東烏程人由歲貢授點陽學訓導提督寶山書院開陳啟迪士習改觀未幾

請老歸埽跡城市杜門自養興到獨步林壑風度悠然與劉清惠孫太初為一時名交卒於嘉靖乙未震有俊才博綜羣籍善古文尤長於詩所著有練溪集行世

王濟

列朝詩集傳字伯雨烏程人以貲為橫州判官與劉南坦孫太初張允清結岷山社所居有長吟閣寶岷樓圓史鼎彞奪目充棟顧元慶詩話稱其人物高遠所著宮詞善托今詞歸古意王建難

稱獨步矣

徐中行

兩浙名賢錄字子與長興人少能古文詞十補邑諸生嘉靖庚戌成進士授刑部主事

當是時濟南李攀龍婁江王世貞同為諸曹郎以古文詞名中行交兩人甚歡而同年中若梁有譽宗臣吳國倫咸來相劇切中行遂取舊章悉焚之自是詩非開元而上文非西京而上無述也出知汀州補汝寧中察歸久之得長蘆轉運判官擢山東僉事雲南叅政福建按察使江西布政使一夕卒中行寬然長者於詩格高調逸近體弘麗悲壯讀之神聳文步趨古昔所立卓爾有青蘿館集續

集天目山堂
集行於世

姚紹科

長興縣志字伯道嗜古善詩詩擬庾詰與盛明七子唱和嘗構白雪齋凌雲閣貯漢唐以

來敦彛國史書繪於其中三吳韻士賞鑒者舳舨相卿也有白雪齋詩稿若干卷

范應期

蕩浙江通志字伯楨廷對第一人授修撰歷中允典南北文武試經筵講書神宗重之所

著有玉

拙堂集

臧懋循

長興縣志字晉叔長興人萬厯庚辰進士授荊州府教授擢南國子監博士懋循博聞強

識畋漁百氏官南中時與名人覽六朝遺跡命題分賦或至丙夜忌者遂以沉酒中之歸輯古詩所

唐詩所並為騷壇大觀工書法所著有負苞堂集行世

茅維

列朝詩集傳字孝若歸安人父坤萬厯間莒之能詩者臧懋循吳稼澄吳夢暘而維與之抗行

為四子不得志於科舉以經世自負有十齋堂集數十卷流覽篇什才調斐然

茅瑞徵

靜志居詩話字伯符歸安人萬厯辛丑進士除知泗水縣調黃岡擢兵部郎中終南京光

祿寺卿有澹朴齋集瑞徵為坤從孫家世饒裕耽情吟咏厯官有廉吏之目壯年即解組歸自號菖

公 上漁

范汭

列朝詩集傳字東生烏程人徙居吳門鑿池種竹攻苦讀書沈酣唐人之詩諷詠其清詞麗句

苦吟精思寢食盡廢引洞庭吳鼎芳為同調務盡刊甘釀肥厚獻酬備催之詞輯全唐詩千餘卷朕手疥足迄無寧夕鼎芳定其詩四卷而序之以為不傍古不緣今不拘律不通耦迂迴而涵特窈窕而奇幻自簡練以至純粹絳綯之具針巧之飾文章炫然知為神於法者也

韓敬

崇禎烏程縣志字求仲萬厯庚戌會試廷對俱第一授翰林院修撰為忌者所中遣行人尋問

住性卓犖遭躋後著書自娛諸所選輯為後學津梁

龐太初

歸安縣志字上古萬厯末年居菱湖詩才清妙與王穉登陳繼儒為逸友嘗游五岳徧厯

九邊所過輒留題咏

著岳陽山人集行世

嵇元夫

列朝詩集傳字長卿吳興人少起貴介放跡不羈為鄉里所中坐法下獄尋釋厚自濯厲

苦心為詩有

白鶴園集

張睿卿

歸安縣志字心嶽歸安人博雅豪邁游歷山川以著書為樂所撰述有經鑑正宗唐五家

詩峴山長趨山志易說五大

游記吳興風雅莒記等書

吳稼登

靜志居詩話字翁晉考豐人以例除光祿典簿遷雲南通判有元蓋副草又北征南諸滇

游諸稿樂府如健兒騎駿馬左右馳笑靡不如意近體頗合西崑歸自滇南里居極綠竹雲林之趣

自號大

滌先生

凌稚隆

崇禎烏程縣志號磊泉承先世家學篤於典故所輯有史記漢書評林左傳評注測義五

車韻瑞等

書行世

董斯張

靜志居詩話字遐周烏程人國子監生洽聞周見嘗以所作授太守吳季騶季騶寓書韓

求仲云在郡兩年不識有董生吳興守眼可抉也近得其詩如飛天仙人不著一烟火字其傾倒若是

吳夢暘

列朝詩集傳字允兆歸安人性強直不避權貴薄游長安與宋西寧張聖標為文酒之交

好吟詩詩不就竟夜不交睫苦思刻鏤必得當而後已有射堂詩鈔

國朝

陳元堡

舊浙江通志字玉仍德清人拔貢拂書盈架
沉酣經史所著有河渠志則象考抑堂集人

倫矜
式錄

韋人鳳

舊浙江通志字六象武康人與兄人龍弟人
駒皆好學善屬文少隱萬山中後稍出舉明

經性孝友親沒茹素終身寡嫂孤姪瞻之曲盡禮
意弟子如雲居尊顯者不勝數四庫六籍無不淹
貫尤工詩著有萬里志緹城集又撰顯
寧寺志未成而卒學者稱為緹城先生

卓彛

舊浙江通志號靜巖武康人貢才好學每與人掀
髯指畫上下古今聞者歎服順治丁亥成進士入

秘書院

上常幸院中彛得獨對

上嘉其勤慎特進一級後

累遷左春坊左庶子

嚴我斯

鄉賢留祀冊字存菴歸安人康熙甲辰一甲第一名進士授修撰歷官禮部左侍郎致政

賜祭

家居以著述為娛文章品行鬱然為鄉邦之望卒

蔡啟傅

舊浙江通志字石公德清人康熙庚戌第一及第歷翰撰學士典試京闈英才畢舉歸

以著述卒

徐倬

鄉賢留祀冊字方虎號蘋村德清人十歲就試冠一軍十七游會稽以詩文受知倪文正元璐

遂執經於門文正復挈之謁劉蕺山宗周自是以正學為依歸崇禎之季社事朋興爭欲引重而倬恥事徵逸講學於羌山荷浦之間從游者日進康熙癸丑成進士選入史館授編修乞歸養者十年服闋赴京轉司業癸酉主順天鄉試尋致仕時年已七十學先文鉅靈光歸然碑版之文照爛四方

求請者踵相接乙酉
聖駕南幸駐蹕西湖

召試在籍諸臣以倬為第一隨進全唐詩錄
御製序以冠其端遂授禮部侍郎辛卯倬年八十有九
特洒宸翰書壽祺雅正四

大字褒美之踰年卒

胡渭

公舉事實原名渭生字肱明德清人友信曾孫
內行修潔攻舉業力追先正詩詞駢體並典瞻

工麗以邑庠生入太學博極羣書至老不倦而尤
邃於經學考訂精核漢唐注疏多所釐正著有周
易圖明辨周易揆方禹貢雖指洪範正論大學翼
真及刪後詩唐詩玉淵唐詩表微唐詩麗則他山
錄庾開府集注吳興典錄等書行世而禹貢雖指
曾進

乙覽康熙乙酉

上南巡獻平成頌召赴

行在

御書耆年篤學四字賜之

胡會恩

公舉事實字孟綸德清人康熙丙辰一甲第
二名進士授翰林院編修凡纂修之役皆與

馬八直

南書房扈

駕征厄魯時大捷奉

命祭告太昊以下六陵累陞內閣學士禮兵二部侍郎

充

經筵講官恭遇

聖駕南巡扈蹕皆得請假省墓改吏部侍郎陞刑部尚

書以勤慎稱前扈從時

上問及家世以高祖友信對

特賜友信名文實政區額奉顏家廟告歸遭葬其親遂

及同父弟四人并親屬十七棺一時

並舉人咸義之事畢回京踰年卒

沈三曾

公舉事實字尹斌歸安人康熙丙辰進士改庶吉士授編修分校禮闈先後分纂

大清會典皇輿表鑑古輯覽淵鑑類函諸書居官恭謹恬退不妄交一人

召試翰詹諸臣限韻賦詩三曾立成恭讀御製詩一章并書行楷一幅稱

旨又於西苑試理學真偽論豐渾圉賦二篇復稱旨特召面對擢贊善丁艱歸四十四年

上南巡命在籍詞臣校刊全唐詩於揚州三曾與馬奉時旨在籍補原官一體食俸誠異數也三曾居鄉經年不入城市敦本睦俗課子姓以詩書即臧獲俱守家法人稱爲懷庭先生所著有十板書屋詩集十

卷文集

六卷

蔡升元

湯右曾紀恩詩序德清人少稟異敏讀書績言根極體要

廷對推第一由宮允除詹事厯閣部皆出
特達之遇三世未附

上特賜內府金俾營宅兆再入京師
賜苑西宅一區殊榮密侍宣賜絡繹紀恩之什皆含英

羣籍矢音六義麗以則清以越言暢意美而於祝
嘏之詞尤工歲癸巳以

萬壽軍恩奉命西秦祭告賞賚諸軍凡按賞之處繇毫
不擾稽核必詳德清縣續志字方麓康熙壬戌繼

其伯啟傳為狀元入直
南書房厯官坊進詹事閣學擢左都御史陞禮部尚

書康熙六十年假歸六十一年卒雍正元年
諭祭給全葬

徐元正 公舉事實字子正倬之子康熙乙丑進士選
庶吉士授編修厯官坊學士倬直纂修凡遇

國家典禮及碑冊大文閣臣院長以元正為老成宿學
必共相商推倚以為重每值記注紬繹指詳恪恭

慎密二十餘年如一日遷吏部右侍郎進左都御史轉工部尚書操行嚴介處事平恕有古大臣風
三任文衡所拔皆英俊年七十七
卒所著有清嘯樓集鷺坡存草

吳浩

王頊齒吳浩傳字天濤號溪南歸安人生有至性事親先意承志撫諸弟四世百口同居為名

諸生由明經需次學博讀書旁搜遠覽淹貫古今而尤殫心義理之學病明季以來四書講說紛紜錯雜纂為四書約言以授學者又以制義為舉業正宗取韓艾二家在閑定侍諸選合而刪之以示作大軌範其他箋釋諸書不下數十種工詩古文著有溪南集心園小草聽鴻草金陵遊稿抱膝吟百六吟書畫船雜咏若干卷行世

浙江通志卷一百七十九